

DISSERTATIO INAUGURALIS MEDICA *is*
 DE
**TUMORE OEDE-
 MATOSO PODA-
 GRICO,**

QVAM
 RECTORE MAGNIFICENTISSIMO,
 SERENISSIMO PRINCIPE AC DOMINO,
DN. FRIDERICO WILHELMO,
 PRINCIPE BORUSSIÆ, MARCHIONE BRAN-
 DENBURGICO, RELIQA,
 IN ACADEMIA FRIDERICIANA,
 GRATIOSISSIMO FACULTATIS MEDICÆ CONSENSU

PRÆSIDE
DN. GEORGIO ERNESTO STAHL,
 CONSIL. AUL. ET ARCHIAT. REG. MED. ET RERUM NATU-
 RALIU PROFESSORE PUBL. ORDIN. ACAD. NAT. CUR. COLLEGA LON-
 GE DIGNISSIMO, DECANO h. c. SPECTATISSIMO,
 DOMINO PATRONO, PRÆCEPTORE AC PROMOTORE SUO
omni Observantia atque Honoris cultu et atem colendo,

PRO GRADU DOCTORALI,
 Summisque in Arte Medica Honoribus, Insignibus ac Privilegiis
 More Majorum Solenni obtinendis,

Ad d., Mart. M DCC XIII. horis ante 5 pomeridianis

IN AUDITORIO MAJORI
 Publico Eruditorum Examine submittit,
GEORG. SIGISM. Siebezeit /
 SOPRONIENSIS HUNG.

Repetita



81



PROOEMIUM.



UTi rectè, & planè peritè, monet Philosophus, multa quidem, inquit, egisse Majores nostros, sed non peregisse; Et planè scitè illi suffragatur Hippocrates, quod illi imprimis rectè agere sibi videantur, qui aliquid eorum reperire, adinvenire, & enucleare valeant, quæ præstet, & ex usu sit, scire potius, quam nescire; Ita minimè improbari poterit, ab ullò, communis inopie peritè gnaro, si vel planè ab Antecessoribus intacta, vel ad minimum, neque loco satis conveniente, neque digna ἀνευρέσεια à majoribus nostris, sive notata, sive evoluta atque pertractata, magis magisque clariori luci exponantur & ad debitos usus dirigantur; Quis autem, nisi satis imperitus, ignorat, quod multa omninò, quæ ab Hippocrate, ab ipsis etiam Antecessoribus ejus ad ipsum transmissa, ad veram morborum historiam pertinentia, nervosè quidem, sed & breviter, & minimè ita rarò, minus proprio loco, ab ipso memorata, à ple-

risque ejus successoribus , commentariis magis tacta
 solum , & verbis potius amplificata , quam ipsa re pe-
 nitius enucleata , & pro verâ suâ dignitate perfecta sint.
 Unde etiam studium illud , in se minimè contemnen-
 dum , omnia conquirendi , quæ Hippocrates , ad unam
 eandemque rem pertinentia , diversis locis & occasio-
 nibus , protulit , minimè tamen adhuc undique satis-
 fecit , ad quoslibet hic relictos defectus & difficultates
 tollendum. Tantò magis cum Hippocrates in histo-
 ria potius tradenda , quam causis perspiciendis , certè
 operosior passim , nescias an felicior undique fuerit ;
 Galenus autem , tanquam hunc defectum suppleturus ,
 alibi quidem in causis reddendis justò prolixior , alibi
 verò , nisi mavis communiter , in harum declaratione
 generalior , nonnunquam etiam revera alienior fuisse ,
 attentâ pensitatione satis luculenter deprehendatur.
 Quæ ipsa verò solida causarum evolutio , cum anima
 propemodùm sit , justæ scientificè artificiosæ Therapiæ ,
 mirum esse non potest , si tota ferè ejus posteritas , ve-
 stigiiis his pressius inhærens , & propemodùm nihil aliud
 agens , quam effata ejus , tanquam suffragia absoluta , repe-
 tens atq; colligens , nihil amplius assecuta est , quam ut to-
 tam rem eo loco , ubi illam invenerat , relinqueret. Quæ
 certè res cuilibet , per propriam experientiam atq; obser-
 vationem veræ morborum historiæ , sive universim , sive
 seorsim , compoti , jus æquum tradere videtur , ut potius
 rem ipsam , ut in se est , repræsentare ipsi liceat , quam
 necesse sit , ut vel antiquiorum illorum . vel quorumli-
 bet tandem propinquiorum , testimonia & suffragia an-
 xiè conquirat , & nihil eorum prætermittat , quæ à tali-
 bus jam antè in eam rem dicta aut prolata fuerunt.
 Quam-

Quamvis enim hoc etiam studium nequaquam impro-
 bemus, imò potius laude suâ dignum agnoscamus;
 Tamen, cum non cujus libet otium permittat, ut ope-
 ræ huic rectè vacet; (imprimis cum etiam ille malus
 mos, præsertim inter germanos literatos, valdè inva-
 luerit, ut non solum inscitæ, sed vel planè injuriæ,
 reum agere non erubescant, siquis huic instituto ma-
 ntum admoveere aggressus, aliquem unum allegare præ-
 termittat) consultius propemodum, quolibet intuitu,
 videtur laudatæ illi viæ insistere, & philosophicum illud
 antiquum sequi, ubi ipsarum rerum testimonia adsunt,
 non opus sit verbis & verbalibus suffragiis. Certè e-
 nim, si res ipsa vera sit, quisquis de illâ sive rectè scri-
 psit, sive expertus sensit, testis ita erit, licet non cita-
 tus aut productus; & subindè etiam minus invidiosum
 erit, non monstrâsse paucitate testium, aut allegatio-
 ne alienioris tractationis atque mentionis, quasi tacitè
 ostendisse, quam parum ad animum adhuc revocatæ
 sint res aliquando etiam non exigui momenti. Non
 frustrà verò præmittimus excusationem hanc, præsentì
 nostro instituto; cum certè ingenuè fateamur, non es-
 se nobis cognitum, à quo res, quàm nobis sumimus
 memorandam, satis exquisitè, pro dignitate suâ, no-
 tata jamdum atque ostensa sit. Quod ipsum tamen, si
 factum etiam esset, nihil prohibet, quò minùs nos quo-
 que, eandem rem, imprimis SPECIMINIS INAUGU-
 RALIS loco atque themate, nobis sumendi, æquum
 jus habeamus. Est autem subiectum, in quo nostra
 Dissertatio occupabitur, TUMOR OEDEMATO-
 SUS PODAGRICUS, ejusque diversitas, à simplicio-
 ribus, aut magis directis, ejusmodi tumoribus hydro-
 picis.

Cui nostro cœpto ut Divina benedictio clementissimè adspiret est quod humillimis precibus ab illâ exoramus.

§. I.



EDEMA, sicut imprimis ab ipso *Hippocrate*, tum etiam plerisque *Græcis*, ita *univoce* adhibetur notationi *tumorum* propemodum quorumlibet, ut sola ferè experientia *restrictionem* ejus, ad certam tumorum *speciem*, Latinis imprimis suasisse videatur; sicuti germanis nostris distinctio usu recepta est, ipsis etiam antiquioribus non insolita: *der hîgigen und kalten Geschwulst*; Ita satis esse potest, uno verbo indicasse, quod præsentè quoque loco, aliquanto pressius sequamur usu receptam hanc acceptionem, ut de *strictius* dicto *œdematoso* tumore & inflatione, præter ea, quæ paulò post adjicienda veniunt, loqui, intelligi velimus.

§. II.

Illud autem propius ad rem nostram pertinet, quod pro omni *homonymia* tempestivè præoccupanda, *strictiore* sensu dictum *œdema*, inter reliqua indolis suæ testimonia, etiam *sensus* cujusvis *exquisitiore* *absentiam*, comprehendat. Quæ vero circumstantia, cum in *podagricis* tumoribus, non solum non semper observetur; sed & potius, longe frequentius, contrario modo sese exerat: facit propterea hæc diversitas, jam velut ab ipso limine, præjudicium aliquod, nempe differentiam *podagricorum* tumorum, à *simplicioribus*, strictioris acceptionis *œdematibus*.

§. III.

Præterea, cum *strictè* dictum *œdema*, longè communius & familiarius, totum aliquem tractum corporis *ὅτι* *ἔνυον* occupare soleat, imprimis *utrumque pedem*; Abit ab hoc in diversum etiam *podagricus* tumor, in eo, quod, licet

licet non valdè rarò etiam *utrumque pedem* occupet, satis tamen sæpè *alterutri* solum incumbat, aut ad minimum *uni plus*, quam alteri.

§. IV.

Porro, cum *simplex* œdema strictioris acceptionis, *pallidum* potius, quam *coloratum* sese sistat; Evenit subinde hic etiam diversum in *podagrico* tumore, utpote qui, licet non absolute, tamen satis frequenter, plus minus *ruboris* conjunctum habet.

§. V.

Denique vero, subest etiam illa inter *simplicem* œdematosum, & *podagricum* talem, tumorem, differentia, quod prior longè *perstinacius* atque durabilius obsidere soleat membra, quæ semel occupavit; aut certè, si v. g. per noctes velut evanescat, per diem tamen revertatur, idque constanter ita prosequatur; *Podagricus* tamen, imprimis *sibi relictus*, & nulla incommodiore tractatione interpellatus, magis per modum *paroxysmorum* quorundam, vel lenius iterum dissolvatur, & alio tempore denuo consurgat; vel ad minimum, per tales tanquam paroxysmos, alio tempore *autior* revertatur, & iterum a sensibili illo augmento aliquid *remittat*. Cui adhuc etiam illud addi potest, quod familiarius, quando ita exacerbatus est, per aliquod tempus *constansius* illum gradum servet; neque tam facile, ut *simplicius*, imprimis *recensius* adhuc œdema per noctes eximie subsideat, & per dies solum increbescat.

§. VI.

Ex his, æquivocationis præoccupandæ gratia ita præmissis, adjecta adhuc una vel altera circumstantia, tam *podagram* in genere, quam hos, qui huic *sumescens*, *podagræ* specialius expositi vivunt, concernente, proclive erit, quasi spicilegio instituto, in unum colligere descriptionem *tumoris œdematoso-podagrici*; quod sit *tumor œdema referens*, eveniens subjectis, sive jam aliunde *podagra* ini-

initia expertis, sive ad minimum cum notabili *sensu* in parte affecta connexus; Sæpè *unum* tantum pedem aut crus, aut certè *unum præ altero*, aliquando tamen etiam utrumque, occupans; Et quantò magis jam alluescit aut insolescit, etiam *perstinacius* durans, imò tandem perennitatem servans; Propter prægnantes tamen rationes, imprimis *Therapeuticæ* vulgò usitatas, à vero, præprimis *hydropico-ascitico* cedemate bene distinguendus, neque, nisi admodum incommodè tractetur, verum *hydropis* periculum aut successum, bene vero *retroessione* aut *repulsione* sui, præsentiora, atque graviora ipsius vitæ, pericula minitans atque machinans: Quibus circumstantiis adhuc addi potest, è dictis, quod *podagricus* talis tumor, antequam plane *continuitatem* format, quando *recurrendo* invadit, per longius tempus dies noctesque persistat; tandem tamen etiam, post aliquot sæpè septimanas, insigniter *remittens*, novis demum *paroxysmis*, aliquando post satis longum interval- lum plurium mensium, demum revertens.

§. VII.

Ut vero jam aliquanto pressius tractationem hujus rei persequamur, ante omnia attentiori considerationi aut recordationi commendandum venit, quod utique *podagra*, ut omnes affectus *rheumatico-artritici*, longè familiaris & velut magis ordinariè obtingat subjectis, textura corporis *laxiore* atque *spongiosiore* conspicuis; qualia vulgata inde ab antiquitate appellatione, temperamenti *sanguinei* & *phlegmatici*, aut ex utrisque *mixti*, notantur. Quantò magis autem ita dicta *Sanguinea* constitutio in iisdem elucet, tantò magis etiam *sensui* exquisitius molestis pathematibus afficiantur. Sicut ex adverso, qui à *servidius* sanguinea constitutione magis ad *phlegmaticam* dictam, ferociorem, tendunt, etiam *podagrico-artriticos*, imò ipsos *rheumaticos* affectus & effectus, *stupidiore*s solum experiantur: ita ut sæpe de nulla alia re disertius conquerantur, quam

quam de *immobilitate* & *insensibilitate* partis; aut ad summum implicito illo, molestiæ magis quam doloris eximii, sensu, quem vulgus nostrum exprimit: Es seye ihnen das Glied eingeschlaffen, oder, es seye ihnen der Fuß boll, quod circumscribunt, als wann sie auf harten Dels treten.

§. VIII.

Horum priores, absunt communiter longius à nostræ commemorationis tumoribus: Et quidem *duplici* conditione. Primò enim aliqui talium, imprimis à *sanguinea* ad *cholericam* texturam declinantes, adeo potius *contrarium* experiuntur, ut sub doloribus suis, imprimis autem sensim senescentibus s. mitescentibus, verius *extenuationem* aliquam partis affectæ animadvertant; eousque, ut aliquando ad *coxendicem* usque assurgens hæc, quod omnino est, *stricture* harum partium, plus minus sensibiliter *spastica*, (uti totus *dolor podagricus*, principaliter, *spasticis vellicationibus* innititur) de *aridura* partis solliciti evadant; Dum hæc ipsa *stricture* *extenuatio* sæpe satis diu incumbit, priusquam sensim in ordinem redeat. Ad quam rem etiam facit, vigilantius, in proprio suo corpore, facta observatio *Sydenhamii*, quod per initia insultuum podagricorum, *vene* per longitudinem cruris, atque pedem, magis *inflari* sentiantur, nempè certè *spasticis* musculorum, sub quibus passim repunt, pressionibus.

§. IX.

Secundo vero, *spongiosioribus*, sed *servidius* Sanguineis, eveniunt quidem etiam aliquando *inflationes* tales aliquæ, seu intumescentiæ; sed iterum duplici differentia. Dum aliquibus quidem non, nisi *particulariter* solum, circa *genua* aut *malleolos*, aut *pollicem* pedis, aut confinia ejus, umb den Ballen, eveniunt; Et iterum, aliis, per *initia* insultus, aliis propius ad *declinationem* doloris. Quibus vero etiam talibus latius se diffundit hujusmodi *tumor*, illis non, tam *adematofus*, *molliculus*, *impressionem* *digitorum*

admittens, *palidus*, obtingit; sed *durus*, *rubicundus*, tactui quoque *calidior*, quam in partibus sanis reliquis deprehendatur.

§. X.

Quemadmodum autem reliquæ etiam, *Rheumatism*, atque *arthritis* & *podagra*, circumstantiæ, circumspectæ considerationi satis persuadere possunt, quod in his affectibus *appulsus* copiosior sanguinis, sive uti vulgus loquitur, *Decubitus* humorum (unde quoque *Rheumatis* nomen) ad partes ita affectas eveniat; ita, ubi sincerior *sanguis* abundans, in culpâ hâc est, conspirante partium porosarum spongiositate, contingunt stagnationes tales evidentiùs *sanguineæ*.


§. XI.

Ubi verò *serosior* est M. S. næ crasis à *stagnatione* tali altius penetrans diffusio, *seroso-aquosa* substantiæ, format stagnationem talem *seroso-balituosam*, in partibus magis exsanguibus usque, nempe ipsâ *cute*: (affectis tamen pariter etiam subjacentibus musculosis) unde tumor talis *œdematosus* originem suam capessit.

§. XII.

Servat autem propemodum uterque hic tumor, nempe tam *durus* ille, *rubicundus*, quam hic *œdematosus*, communem illum morem, ut uterque, imprimis quantò importuniores sese gerunt, tantò certius ita in *consuetudinem* abeant, ut etiam soluto præsentè *paroxysmo*, tamen illic *rubore* & *duritie*, cum *sursuraceis*, imò *squamosis*, arcescentibus, cuticulæ secessionibus pruriginosis, sensim perennent; Et *posterior*, cum stabili *œdema*. Nempe per adfuescentem, valdè dilatatis poris, (& in priore casu, ipsis minimis cutaneis vasculis,) primò dilatationem, & sensim, in dilatatis meatibus, stabiliores humorum (utut progressum servantium) receptus.

§. XIII.



(II)

§. XIII.

Ultimo verò loco meriti ipsi etiam adhuc historie horum tumorum addenda venit, suprà quoque jam allegata, circumstantia illa, quod admodum promptè ab exterioribus partibus *repellantur*; & quantò importunius hoc fit & præcipitantiùs, in *interioribus*, restagnationes, non solum graviter *oppressivas*, sed planè etiam *inflammatorias*, parturiant; Et probabilissimè quidem omnium circa ipsum *hepar*. Quæ res, uti non raro etiam sine *externis* restrictionibus materialibus, solum per *animi pathemata*, aut alias *sacissimas* occasiones provocatur, ita, non raris exemplis, adèd malè cedit patientibus, ut illos non solum in periculum, sed sæpè numero etiam ultimum vitæ damnum, conjiciat.

§. XIV.

Cui ipsi rei, ut jam alibi conveniente loco monitum est, imprimis inniti videtur observatio illa, ipsi plebi (uti propemodum solet in animadversione simplicis experientie minùs inepta esse) familiaris, quod homines, qui adhuc *juniores*, & ut illa circumscribit, infrà *quadragessimum* annum, podagrâ corripì incipiunt, (imprimis ferociore) non pertingant ad senium. Cum ex adverso, qui jam *seniores* hac affici incipiunt, satis sæpè ad longam senectutem pertingant. Qua de re, suo tempore, etiam publicæ novellæ, incertum verè nec ne, aliquid narraverunt, quod *Monarchæ* cuidam, cum *primos* manifestiores *podagræ* insultus, jam quinquagenario major, experiretur, Medici solenniter gratulati sint, tanquam de certiore indicio aut præfagio, prolongandæ diutius vitæ ejus.

§. XV.

Cujus eventus, (quandoquidem omnino experientie suffragio nequaquam destituitur,) nulla certior, aut sanè probabilior, occurrit ratio, nisi quod *juniore* adhuc ætate, non solum ad *animi*, sed omninò etiam ad *corporis*

(vitalium) motuum exagitationes longè propensior fit in-
doles humana; inquietior, impatientior, audacior, incon-
stantior; quàm *senilis*. Unde facilius illi turbulentiores
ejusmodi *jaculationes* atque *fluctuationes* obtingunt, ut mi-
nus pertinaciter, in una ignobiliore parte, factas eò con-
gestionem sanguinis detineant, & ab illis sensim solum at-
que languidè iterum remittant; sed potius audacius, ad
repressionem talium ad interiora provolent; ubi festinatis
talibus coacervationibus, infarctus, restagnationes, stases,
inflammationes obtingunt.

§. XVI.

Meretur autem utique huic historiæ, ultimo loco il-
lud annexi, quod tumores tales *œdematodes*, etiam ali-
quando accidere soleant viris *podagram* nondum manife-
stius sentientibus interim *motibus hæmorrhoidalibus*, plus
minus sensibiliter affectis; Quæ res inter alios, illum etiam
usum habet, ut inde *συζυγία* illa *hæmorrhoidalium conge-*
stionum cum *podagricis* lucem adipiscatur, ut de eâ re jam
multoties actum est à D. D. Præide.

§. XVII.

Ex hac autem, verâ constitutione talium, tumorum,
uti verior *Diagnosis* eorundem, sine ullâ difficultate hau-
riri potest; ita facit huc imprimis circumstantia illa, quod
tumores tales multoties *alterutrum* solum pedem, ad mi-
nimùm per *initia*, aut unum *præ altero* gravius occupent;
Cui tantò magis suffragatur altera, dùm hujusmodi tumo-
res longe certius manifestiore aliquo *sensu* molesto stipan-
tur, quam *simplices* œdematosi. Id quod imprimis usum
habet, in *fæminino* sexu; cui licet *podagra* communissi-
mæ crassioris sensationis, adeoque etiam acceptionis & di-
judicationis minus familiaris esse sentiat quam viris; sed
ferè *rheumaticis* pathematibus annumeretur; Tamen hic
etiam conveniens discretio observanda venit, talium *tumo-*
rum, à verius & simplicius *œdematosi*.

§. XVIII.

Diagnosi justæ, subjungitur *Prognosis*. Ubi videlicet illud certum est, quod cum *ædemata* pedum simpliciora, nisi quidem etiam ab *externis* causis, ab refrigeratione, imprimis humida, aut *consusionibus* gravioribus, *fracturis* &c. ortum habeant, certissimè *viscerum abdominis* malam constitutionem pro fundamento agnoscant: adeoque longè altius reconditum, *pertinacius* atque gravius, periculum portendant; Hi tumores, de quibus nobis sermo est, utpote certius ab *exteriore* causâ, nempe *stagnatione* humorum ad has partes restricta, tantisper hinc nobiliorum labe, prognati, minus propinqui periculi foveant. Quæ consideratio, si nullum alium haberet usum, hunc certè habet minime contemnendum, quod in genere non æque *festinatam* curationem, & *pertinacem* hujus intentionis prosecutionem, efflagitet; adeoque nullam *necessitatem* inferat, irrequietis, & profectò sæpè inconditis, imò adversis veræ suæ indoli, tentaminibus artificiosis, incumbendi atque insistendi. Quandoquidem his, (si modò sine præjudicio & præoccupatione irritarum speculationum, ipsa veritas experientiæ rectè & sincerè expendatur,) nihil familiarius impetratur, nisi ut patientes è malo in deterius prolabantur, & tandem paradoxon illud, prudentiori considerationi equidem certum reddatur, ut patientes tales revera demùm in *viscerum* etiam obstipationes conspiciantur, & verus *hydrops* illis denique concilietur, aut certè acceleretur. Et inde minus circumspectæ & fundatæ speculationi, loco cauti intellectus, demùm iterum novus error ita obijciatur, aut certè antiquus obfirmetur, quasi *ædemata* talia, cum tandem verioris *hydropis* signa suffragentur, jam ab ipsis sui *initis*, verè *hydropica* fuerint. Quam considerationem, non sine prægnantibus causis, Practicis (qui nempe soli de his rebus exactis dispiciendi occasione potiuntur,) iterum iterumque commendamus.

§. XIX.

Ut enim propius jam, *prognosticâ* consideratione, ad *comparationem* ejus cum *Therapiâ* progressum faciamus, benè utique considerandum venit, quomodo è plerorumque practicatorum Autorum peritorum observatione, remedia, quæ alias ad *hydropis* curam destinari consueverunt, *podagrîco arthriticis* affectibus aded non quadrent, ut illis potius manifestius incommoda, seu disertè rem eloquendo, alia minus, alia magis, *noxia*, sentiantur.

§. XX.

Quamvis enim etiam, (si secundùm veram, & non solum à malefido auditû, immaturâ credulitate transumptam, experientiam res æstimetur,) vero *hydropi* & *hydropis œdematibus*, etiam quanta libet ejusmodi tentamina & conamina, Medica, parum solatii afferant; quin tandem varie defatigatis ægris, & vario sumtu exhaustis, morbus talis ad sepulchrum comes persistat; Imprimis, ut ordinarium est in subjectis delicatioribus aut corporis diffusiore mole jam ante morbum, aut à morbo, prægravatis, si *motus voluntarii* nullus amplius pateat usus & concursus: aut *ætas*, patientis, aut morbi, eò ipso jam profundius innidulati, vires jam imminuerint; Tamen quicquid etiam *communiter*, quantumcunque adhuc efficax habetur aut observatur ad verè *hydropicam* constitutionem, *podagrîcæ* constitutioni dicto modo minus conducere, plerique propemodùm peritè circumspicientes, uno ore profitentur.

§. XXI.

Ita enim *purgationes*, pro assatim evacuanda copiosiore jam *serositate* restagnante, tum ab antiquioribus commendatæ, tum à *Martino Listero* quasi novâ autoritate munitæ, quam parum convenient *podagrîco arthriticis* affectibus (si neniâ illam, de *hermodactylis*, qui ab ipsis usque *articulis* trahere debeant, ipsa quoque *falsa* hypothesi ibi repositos frigidos lentos humores, seponas) ex eo
fatias

fatis dilucescit quod ferè nemini practicorum probentur, ut proprii etiam corporis sui experientiâ edoctus *Sydenham*, potius *purgationem* etiam in genere, *podagra* magis turbandæ quam juvandæ, aptam atque efficacem iudicet.

§. XXII.

Secundò, cum *hydropico-œdematosi* spissioribus humorum dyscrasiis, equidem à totâ propemodum schola Medica destinentur *incidentia*, *resolventia* & plus minus *colliquantia* medicamenta; quæ interim à recentiore schola, præsertim è *salium* absterfivorum censu peti solent; Occurrunt profectò passim practici, & inter hos imprimis Empirici circumspectiores (qui nempe à solâ experientiâ effectum medicamentorum metiuntur) qui *salinorum* talium usu, uti *hydropem* verum, nimis quam parum sublevari, communis observatio confirmat, ita *podagricos* affectus ab iisdem (communiter usitatis, inquam, *salinis*, tam *mediis*, quam aliorum variorum generum) potius *exacerbari* animadvertunt; Quod aliquos talium eâ formulâ exprimere audias: Man treibe es denen Patienten mehr damit in die Glieder. Ut etiam indè solertioribus aliquibus Empiricis consilium natum meminerim, quando *podagricis interna* pathemata, à *podagra* extrinsecus *stupefactâ*, incumbunt, per similia medicamenta eandem iterum extrorsum, in artus consuetos, depellendi atque propulsandi.

§. XXIII.

Tertiò, cum pro *hydropicorum* œdematum cura, passim laudabilia, imò necessaria habeantur *Aperientia*; talia verò à recentiore Medicâ schola non aliunde certiora petenda ducantur, quam è *martialium* præparatorum cœtù; Imperitum propemodum planè aut cerè penitus inadvertentem, ut ita loqui liceat, esse oportet, practicorum eventuum, qui nesciat quod *martialia* adhuc magis atque sensibilius, quam *salina*, effectum illum *podagram* in artus *impellendi*, aut in illis *exacerbandi*, exerant: Quamvis etiam

etiam quotidiana praxis satis docere possit, quam parum conceptæ spei respondentis effectus *martialia*, vero *hydropico* œdemati asserant; ut potius solentior animadversione admodum communiter satis eluceat, quod hoc ipsum quoque morbi genus, familiarius sensibiliter ab illis *exasperetur*, quam ullâ ratione mitigetur. Nempè longè certius *adstrictoria viorum*, quam ullo modo *attenuatoria humorum*, efficacîa: Unde in hoc ipso casu, oppido quam necessaria esset, theoretica illa discretio, quod uti, sive supposita, sive vera, *obstructio* illa glandularum, sicut communius ab *humorum* infarctû, & horum, ad talem subeundum, spissiore intemperie, deduci debeat; Ita his infarctibus expediendis, non alia remedia propius quadrare atque convenire possint, quam quæ *humores* tales, nequaquam autem *vias* & *solidescentes* partes, potentiùs afficere possint; Cum alias etiam simplici sanæ rationi nihil manifestius esse possit, quam illud, quod qualicumque *viarum* strictura, sine præcedente *materiæ* inhærentis sufficiente attenuatione, adeoque *mobilitate* ad cedendum, nihil certius sequi possit, quam firmior *materiæ* ita impactæ *constipatio* adeoque omni respectu infeliciores eventus. Quorsum etiam non immeritò referri debet, communis experientiæ observatio illa, quod *acidula* hydropicis solennius funestæ sint, quam salutares; unde plebeja illa proverbialis formula enata est: Wenn ein Wasserfüchtiger in den Sauerbrunnen reisen wolle, möge er den Sarg in Vorrath mit sich führen.

§. XXIV.

Ubi etiam cum hac de re mentio hæc convenientem locum omninò præbeat, non immeritò laudare posse nobis videmur epistolium illud, quod Polonus quidam nobilis *Arcejski*, de successu curationis podagræ suæ, per medicamenta à *Cnæselio* suppeditata, adamicum exaravit. Cum enim ibi præcipuum remedium, ut ipse quidem omni-

natur,

natur, artificiosum, acidularum imprimis æmulum fuisse memoret, sed aliquantò sensibilibiter acidius quam nativæ esse solent; tamen tota historia nihil amplius docet, nisi quod ab annuo, & quod excurrit, medicamenti hujus usu, nihil amplius reportaverit, nisi ita mediocri solatio suæ podagræ, ut paulò minus credulo faciliè oriri possit dubium, an illud ipsum pleno jure medicamento ipsi vindicandum venire queat; Certissimè vero dilucescat, quod aded infigne operæ pretium nequaquam fuerit. Ceterum, nec tota illà historia proprie ad nostræ tractationis affectum respicit, nempe *œdematoden* podagricum tumorem, sed solum de parvâ efficacia *marzialium* testimonium perhibet; quorum sinister effectus ad hunc eundem affectum, probabilius per largiorem *aciditatem* mitigatus fuisse videtur. Quæ ipsa etiam, qualemcunque usum reliquæ podagræ *mitigativum*, magis præstare potuit, *mediatâ* illâ vulgò dicta *refrigeratione*, seu *contemperatione* *surgidioris* sanguinis, (quò nomine *nitrum* aliis omnibus palmam hic etiam præripit) quam ulla alia magis specifica operandi ratione.

§. XXV.

Inferere quoque licebit disparitatem remedii ad *hydropica* œdemata & *podagram* contrariæ efficaciz. Dum ad *hydropem* nemo propemodùm probat, nedum laudat *V. S. nes*; Quæ tamen, imprimis *præservativo* usu, ad *podagram* reliquam (licet non æque ad hanc *œdematoden*) prudente administratione, longè certius utiles, quam ullo modo suspectæ, sunt.

§. XXVI.

Quamvis autem remedia, & *positiva* regimina, *Diaphoretica*, ad curam *hydropicorum* *œdematum*, non æque ita absolute commendentur; Tamen, cum aliquibus placeant, notandum etiam de illis hic venit, quod eadem, repeto, *directo* usu atque scopo, ipsi quoque *podagræ* sine peculiari circumspectione & subordinatione, minus quadrent:

C

ad-

adeoque etiam h. l. disparitas talis observanda atque notanda veniat.

§. XXVII.

Quemadmodum autem nemo fortè circumspectior in *hydropicis* œdematibus, *opiatorum* usum probaverit; cum *hydrops* jam ad *agrypnias*, communissimè *orthopnoicas* devolutus, certè *narcoticas* sopitiones impatientissimè ferat: tamen in tantâ, hodie etiam, circâ hanc rem tum confusione, tum audaciâ, breviter notare licuerit, quod hæcædem *opiata*, etiam *podagricis* plus minus *dolorificis* œdematibus, nihilo magis conducant; sed potius *stuporem*; ante omnia verò *perinaciam* mali hujus, augeant, & illud imposterum etiam melioris efficacix remediis immorigerum atque inobediens reddant.

§. XXVIII.

Sicut autem justæ, (atque verè solidæ experientix atque rationi superstructæ,) *cautela* practicæ, omnibus, necessitatum artis, & calamitatum à confusionibus nimium quam familiaribus modernis, satis peritis, non parvi pretii, dignitatis, atque usus, habebuntur; ita cum tamen etiam sub his angustiis solliciti practici, imprimis juniores, passim, non solum ad *privativum*, sed quam maximè ad *positivum*, consilium, respectare soleant, atque adeo, sive probata, sive planè intermissa, meliøre *theoria* & hinc per propriam penstationem formandis debitis *indicationibus*, magis anhelent simplices *prescriptiones* & *therapias*: seu *methodi* & *materiæ medicæ*, cui plus, quam quotidianâ experientiâ spem destituentibus aliis protritit, fidere atque insistere sit integrum; Non deerimus propterea etiam huic officio, quin, quæ rationi atque experientiæ magis respondere cognovimus, suppeditemus.

§. XXIX.

Primo itaque omnium loco meritò collocamus, respectum, in hoc etiam symptomate podagrico, decenter habent-

benndum, ad affectum *primarium*; nempe *podagram* ipsam; atque veram ejus indolem, in ordine ad tractationem Medicam. Quæ, cum apud omnes peritiores, & ad minimum ipso usu cautiore redditis, tantò magis autem justis quoque theoreticis, rationibus potitos, agnoscatur imprimis *chronica*, *pertinax* atque *consumax*; & sub hac ipsa tamen *obstinatone*, manifestò minoris *periculi*, quam audaciores turbationes, per fortiores medicationes ipsi inductæ: venit proindè certè etiam hæc conditio, meritò in considerationem justissimam, ut ad animum revocetur, quemadmodum affectus ipse totus, valdè *chronice* sit indolis; ita etiam *symptoma* hoc ejus; similiter *chronicam* magis, quam *acutam* aut *præcipitem* indolem referens, pari existimatione dignum esse; neque mereri, nedùm *efflagitare*, uti ipsi præsentiore, seu potius *importuniore* aliqua, tractatione, obviam eatur.

§. XXX.

Sicut enim antiquiores (quibus etiam ferè ubilibet manifesta prærogativa, tm̃ in genere; *philosophica*, nempe distinctioris atque benè discretivæ; eruditionis, & peritæ *prædictæ* atque *pragmaticæ* circumspèctionis; præ variis in hodierna scribendi pronititudine, multa immaura promentibus, non potest denegari) dexterrimè commendant, discretionem *symptomatis* qualiscunque senioris; & contrà, *urgentis*: ita certè in præsentente quoque nostræ tractationis subjecto vindicat sibi discretio hæc eximium planè locum. Dum videlicet, quia utique *ædemata* pedum *hydropicæ* indolis, justius suspecta non aegris solum, sed passim etiam Medicis, magnam formidinem atque sollicitudinem injiciunt: adeoque faciliè hinc, & ferè familiariter, *urgentium* symptomatum censui adscribuntur; Eoque nomine, trepidiores imprimis, ad festinandum, nisi quidem præcipitandum, quodcunque auxilium inducunt; Quod tamen ipsum etiam, quo jure vel inju-

ria, & consequenter bono aut minus, usu & eventu, fiat, non est præsentis loci enucleare.) Certè illud, de quo nobis hic est sermo, *adema*, ipsum quoque *propria sua indole*, non esse adeo *præcipiti* mali effectus, adeoque tam *urgens* indicationis, prudenter omninò eliciendum venit è de scriptà ejus historià. Dum videlicet non solum passim, finitis *paroxysmis*, ipsum quoque iterum subsidet; verùm ubi etiam pertinacius durat, satis sæpè tamen per *annos* adhuc benè multos, extrà *vise* damnum, aut tam *propinquum* periculum, vertantur ægri; Dummodo non per minus convenientem tractationem, vel in verum *hydropem* degeneret, vel *retropulsionibus*, præsentius periculum acutioris typi, ægris facessat.

§. XXXI.

E quâ consideratione, Medico rerum suarum satagenti, ante omnia illud bonum *consilium* nasci potest, ut maturâ deliberatione expendere valeat, quid tandem salutaris opis *invenire*, atque executionem ejus *decernere*, liceat. Sicut enim justissima, imò passim necessaria contemplatione atque æstimatione, partim *Energie* aut *Synergia*, partim *tolerantia* aut *sensibilis*, Naturæ ægrorum, partim *indolis* & *progressus* ipsorum morborum, non modo *ordine* primum, sed sæpè etiam *dignitate* non posterius, est *theoremata Therapeutica*, quando Medicus ad patientem vocatur, AN utique statim agendum aliquid sit, pharmacîa seu *artificialibus* remediis; & non potius observanda veniat, Naturæ ipsius salutaris operatio, aut ad minimum talis *tolerantia*, cui *placide*, *tranquille*, *moderate* subveniendo, melius consuli possit, quam turbulentiore *exagitatione*, per remedia imprimis *activiora*, præproperè ingesta; ita facile certè est intelligere, quod etiam præsentis nostræ tractationis affectus, huic contemplationi omninò locum præbeat, & *festinatis* remediis, dùm iis non ita promiscuè auscultat, potius *irritari* aut *turbari* possit: Tandè magis
autem

autem affectus ipse *fundamentalis*, cujus hic *symptoma* tantum est, nempe ipsa *Podagra*.

§. XXXII.

Secundò, venit etiam expendendum, utrum commodius, aut certè non contemnenda efficacia, affectui huic etiam aliquid levaminis conciliari possit, *præservativa* seu *præoccupatoria* methodo sive magis *directè* ad ipsum spectante; nempe *serose* colluviei imminutione, *extrà paroxysmum* ipsum universum, ferè semper tolerabilior, quam in ipso *paroxysmo*: sive ad totum *paroxysmum podagricum*, quàm talem, respiciente, per ventilationes *sanguinis*; sive *V.S.* nibus, sive scarificationibus: sive hirudinibus, & aliis, quantum ejus fieri potest, *hemorrhoidalibus* promotionibus.

§. XXXIII.

Quod autem *Curationem in paroxysmo* ipso, & circa eundem, concernit, suppediat hoc tam ipsa experientia, quam illustrat propemodum sana ratio, quod, sicut magis ordinariè, tumor talis, *latius* præsertim se diffundens, magis demum *succedat* *paroxysmo podagrico*, aut certè *declinationi* ejus *accedat*. Quicquid autem tandem aliquantò magis *directè* ad hunc *tumorem* efficax invenitur, *podagrico paroxysmo* reliquo, minus tolerabile sit (quæ est hujus, admodum familiariter, impatiens sensibilitas) etiam opportunitas huic propriè tumori succurrendi, major certè est *declinante* jam mitescente qualicunque illà sensibilitate *podagrica*, quam *incipiente* demum, aut quam maxime *vigente*.

§. XXXIV.

Subest tamen utique hic *duplex* difficultas; una *essentialis*, sed aliquantò facilius expedienda; Altera *accidentalis*, sed oppidò magis prægravans, tam bonam spem, quam salutarem opem. Prior illa, versatur in *podagræ* talis, aliquando ita *stúpida* gravitate solùm atque *torpore* pe-

dis, ut exquisitior aliquis sensus, nedum *dolor* minus distinctè percipiatur. Expedit interim rem, nempe *paroxysmi* præsentiam, reliquod *symptomatum* tunc temporis sensibilior *syndrome*; *languoris* universalioris, sed tamen admodum *inquieti*, *appetitus prostrationis*, *somni pauci & parvi*; sub quantacunque etiam *somnolentiâ levior* sed plus minus *assidua febricula*, *turbatio capitis*, major quam ordinariè *morositas & impatientia ægri*, & *urine* temporariæ alterationes, cum *alvi* etiam inconstantia &c. quorum omnium præsentia, non solum tantò probabilior, sed prorsus evidentior reddit, *paroxysmi* talis præsentiam.

§. XXXV.

Alterâ vero, *deterior*, circumstantia, consistit in hujusmodi affectus *podagrici*, turbatione & incondito more, per tractationes podagricis affectibus minùs convenientes, introducto; ubi tum alia artificia, sine certâ ratione, aut verâ efficacîâ ad talem effectum, tentata, tum eminenter inconditus usus *Opii*, argui merentur. Utpote qualibus, imprimis autem *Opio*, affectus tales, non solum in *confusionem*, sed & in summam *persinaciam*, familiarissimè conjiciuntur. Cujus certè rei exempla, hinc, indè observandi uberes hodierno die se offerunt occasiones; Nempe *podagricorum* affectuum, ex usitatis alioquin *alternationibus*, & sæpè satis longis *intervallis* in *continuitatem* quandam, & insolitorum etiam symptomatum eventus prolabantur; Quæ perversio posthac etiam bonis methodis atque medicamentis, ad irritum redigendis sufficit.

§. XXXVI.

Invento autem opportuniore tempore, huic incommodo, nempe *tumori* tali, veluti *scorpi*, occurrendi: nempe *extrâ* podagricum paroxysmum, aut certè *mixtente* jam præcipuo ejus imperu; nempe si tumor talis diu etiam post podagricum *paroxysmum* continuare sentitur; Habent præcipuum usum *pillule D. D. Præsidis balsamice*;

tan-

tantò magis autem, *specialiùs ad tumores instructæ*. Interim potest hic etiam aliquid *squilla*, & ex illa præparata: tam *syrupus* de squilla, quam *Oxymel squilliticum*; in quò, si *acetositas* fortè metuatur, potest illa faciliè subigi admixtione *absorbentis* alicujus ante exhibitionem. Et sicut alia quoque *missiora cathartica*, utilitate sua hic non carent, ita abstinendum tamen venit ab *impotioribus* purgantibus, præsertim sub quantumcunque *sensibiliore* patientium constitutione.

§. XXXVII.

• Sicut autem usitatissima, imprimis tamen propiorum temporum, praxis, familiarissimè alienis à rei veritate opinionibus, tam de causis morborum quam efficacità medicamentorum, turbida, in dando consilio medico passim ingentem necessitatem parit, *privativam* methodum veluti præmittendi: nempe à quibus *methodis & remediis abstinendum* sit, monendi; id quod proinde mihi Præsidi usitatum est, priusquam ad *positivum* suum remedium accedam; Ita necessarium omninò videtur, in præsentis etiam tractationis subjecto, *cautelæ* jam suprà allegatas iterum iterumque commendare. Nempe partim veram dissectionem *podagrici tumoris*, à quocunque alio *œdematose*, concernentes; partim medicamentorum vulgò dictorum *Aperientium*, & inter hæc temerè caput extollentium *Marstialium*, eminentissimè autem *opiatorum*, abusum, & infeliciores effectus, notantes.

§. XXXVIII

Ad *positivam* autem methodum atque medicationem, nostra theoria atque praxi, ratione, inquam, & experientià, meritò referimus, peritè prudentem usum *præservatorium* & *præoccupatorium*, *ventilationis sanguinis*. Quamvis enim hic plus utilitatis habeat, ad ipsam *podagram*, quam ad hoc ejus *sympsona*; tamen, cum *sympsona* hoc à *primario affectu* dependeat, ut ad minimum illius *exacerbatio*

bationes, etiam hoc *symptoma* non solum *foveant*, sed etiam *exasperant*; certè quicquid illi usum aliquem præstare potest, huic etiam subserviturum esse, nemo facile in dubium vocaverit.

§. XXXIX.

Quemadmodum autem nequaquam temerè usi sumus locutione illa, quod V. S. nis seu *sanguinis ventilationis*, perisè prudens usus unice, hic locum inveniat; ita certè hujus veras rationes atque conditiones exprimere, non fert præsentis loci angustia, sed veniunt illæ potius aliundè petendæ atque comprehendendæ. Sicut etiam illius circumstantiæ atque conditionis vera indoles, quomodo *ventilationes* tales, *preservativè* potius, quam *curativè* administrari debeant atque exerceri. Ubi imprimis repetenda venit excusatio illa, in considerantis certè, uti imperitæ *contradictionis* nervum infringens, quod *sanguinis ventilatione podagra non possit curari*, adeoque hæc non sint remedium, ad hoc genus pathematis *sufficiens*.

§. XL.

Sicut enim *crude* hujusmodi objectioni, etiam reperi possit *experientia* contraria, nempe *podagræ*, per maximè convenientes, ab ipsa *Natura* susceptas, quin *arte* etiam imitando suppletas, ventilationes sanguinis, omnino sublatæ. Ita cum tamen etiam talis experientia, reverà *conditionibus* suis circumscripta sit; ne eadem *confusa* argumentandi ratione, obviam procedamus talibus dubitatoribus, sufficere poterit, primo loco, omnibus practicis notam distinctionem, ipsa nostra sententiâ jam expressam, commendare, inter efficaciam *qualiscunque*, si vel maximè, non *pleni & absoluti* usus, *preservatoriam*; & plenam *curatoriam*. Cum enim vel tyronibus decenter institutis, notum esse debeat, quod *preservatio*, respiciat causas *antecedentes*; quarum subtractione, (cum tam facile, nedum semper *plenariè* hæc impetrari non possit,) si non *totus* even-

eventus intercipi valeat, tamen *vires & ferocia* ejus, *accidere & infringere* liceat; ita facile erit applicationem ad nervum hujus disceptationis facere, & antiquum illud assequi, quod in necessitatibus, præster utique *aliquid*, quam planè *nihil* impetravisse.

§. XLI.

Ceterum, brevissimis comprehendere utique licet, conditiones, quæ hujus etiam remedii usum *opportunum*; magis aut minus ratum efficere possint; nempe vel *recentior* adhuc podagræ, & hujus etiam *symptomatis* ejus, ætas: vel jam *inveteratus* habitus & *adsuescencia* jam major insolentia, atque pertinacia. *Moderatior*, etiam atque *ordinatior*, insultus; aut contra: sibi magis relictus atque *constans mos*, aut malo patientis regimine, aut inconditis artificiis, *turbatus*; aut, quæ *opiatorum* est infamia, in *perniciem consumaciæ* deductus. E quibus posteriora, ut omnia bona consilia, ita etiam hujus *præservativi* subsidii, usum, minuunt, aut frustrantur.

§. XLII.

Quemadmodum autem pressius *ordinem*, aut planè *doses*, nedum *formulas*, remediorum, atque usus eorundem præscribere, propterea semper otiosum ducimus, quia, cum hæres *proprie* ipsam practicam administrationem respiciant, in practico verò, talia in se recepturo, meritò præsupponatur talium rerum perita prudentia, *Empiricis* autem nudis, neque deceat, nec etiam liceat aut possibile sit, secundum circumstantiarum variarum, earumque *opportunitatis* aut *necessitatis*, diversitatem, omnia strictè determinata dare atque definire. Propterea, inquam, hujusmodi præscriptionibus immorari, consultum non ducimus; ita commendata solùm omni debita peritè prudente circumspectione & administratione, potius unum & alterum exemplum hujus nostri negotii, memorare utilius ducimus.

§. XLIII.

Vir generosus, in rebus satis lautis constitutus, vini æque, atque reliquæ diætæ abusibus indulgens, *podagricos* insultus experiri incipit, circà quadragesimum, aut circiter, ætatis annum, usitatis autem passim artificiiis illis intactâ *causa*, *effectum* solum respicientibus, *palliasivis*, *stupefacientibus obtundentibus*, atque *demulcentibus*, mox reportavit, *stabile ædema* pedum, quod antea in *phlegmatico sanguineo* corporis habitu, *paroxysmis* solum concursans senserat. Quid tandem prævalelcenti *tumori*, remedium sit adhibendum, cum nobis non liqueat, suffecerit historiam ipsam prosequi, quæ paucissimis illis comprehenditur, quod *ædema* hoc, non solum *coxas* & *lumbos* sensim superaverit, sed etiam *abdomen* totum, formali *hydropica, ascitica* inflatione, immodicè distentum, cum *febre lentâ*, *appetitus lapsu* in dies augefcente, & reliquis usitatis ingravescentis *hydropis* pathematibus, ad *orthopneam* processerit; Consultus medicus, pilulas commendavit atque suppeditavit, quibus semel debellarum esse *hydropem*, compertum habere asseveravit. Cum autem massa solum transmissâ, & imperatâ inde efformatione pillularum, ad mediocris pisi magnitudinem, ingens *super-catharsis* secuta esset, adscriptus est hic eventus imprudentiori mensuræ pillularum observationi. Cum autem statim, ab hoc eventu, cum totali appetitus defectione, omnia reliqua symptomata, *febris*, *agrypnia*, *orthopnea*, immodicè insolescerent, & *scroti* atque *præputii* inflatio, præcipiti impetu, majori etiam abdominis expansioni accederent, frustra adhibitis aliis remedijs, obiit.

§. XLIV.

Alius patiens, omnia reliqua similia expertus, excepto eo, quod pilulæ eadem jam formatæ transmissæ, in ægro tamen ad purgationes admodum sensiti, adhuc majorem

rem hypercatharsin promovissent; *patiens* etiam ad *thermas*, cum magnâ fiduciâ transmissus, sed nimio debilior indè reductus, in solâ morte remedium invenit. *Ætate* tamen jam provecior priore, nempe aliquot suprà quinquaginta annos affecutus.

§. XLV.

Alius *patiens* similiter manifestè *podagricus*, imò *arthritis-podagricus*, nec ipse circâ diætâ usquam scrupulosior, cum similem tumorem à plussculo jam tempore incurrisset, interim tamen etiam valdè, sensibiles *dolores*, & imprimis *unius* pedis exquisitiores *præ altero* tolerans, tum medico, tum proprio iudicio & consilio, (rei *pharmaceuticæ* addictus) pro *hydropico* declaratus atque tractatus fortè quidem adhuc vivit, sed in ancipiti spe, ut nobis memoratæ sunt circumstantiæ, tolerabilioris eventus: nisi quo practici concurrentis ope uti memoretur, cujus nota nobis peritia atque prudentia, spem meliorem nobis adhuc quoque facit.

§. XLVI.

Vir, meritâ nominis celebritate, atque dignitatum gradu, illustis, duos aut tres ultra sexagesimum annos affecutus & paulò juniore adhuc ætate, inter reliquam *satis* firmam valetudinem, diætæ etiam nequaquam strictâ, sine incommodis usus; imprimis (quod propemodùm *sanitatis* ejus constantioris fundamentum haberi merebatur,) inde à triginta retrò annis, *hemorrhoidum* fluxu periodico, satis ordinato atque moderato, affectus, senferat jam à decem aut amplius, annis, in *alterutro* pede, *obtusiores* tales motus *spasticos podagricos*, quos pro talibus, oblati occasionebus, ego Præses declaraveram. Mutata sensim diætâ, & sedentariâ magis vitæ ratione, cum tacitis curis & iracundiis, (licet prudenter repressis ac diffi-

mulatis,) indulgens etiam, aliunde, & passim, pro more commendatis remediis, *volatilibus urinosi* magis magisque *cachecticum* incurrit habitum, imprimis diffuso atque pingui alioquin corpore oneratus. Profectus, jam supra notatâ ætate, ad *acidulas*, & his, cum sensibili incommodo, per 14. dies usus, rediit jam omnibus visibilibus circumstantiis deterioribus affectus. Toleravit ab eò tempore, ultra tres menses, *continuum* evacuationem hæmorrhoidalem; à qua; inter reliqua ad deteriores potius, quam meliorem statum conspirantia magis magisque delassatus, tandem, nescio, quâ de causa aut culpa, *repente* deficiente hoc fluxu, sed manente, imò vero ingravescente in horas, gravissimo *tenesmo* de conatu, ad *ani procidentiam* trium circiter pollicum, & *tumorem* durum, duorum pollicum vel amplius, per totam circumferentiam, intestini recti, deducente, qui etiam *sphincterem vesicæ* ita comprimebat, ut Urinæ exitum interceperet: variorum usitatorum symptomatum, talibus pathematibus familiarium exacerbatione, *febricula, siccitate oris & siti, appetitus summa prostratione, agrypnia, tussi sicca, lassitudine summa*, eò deductus est, ut etiam prælagio jam passim divulgato mortis candidatus declararetur. Cum ex humanitatis potius, quam artis officio (*nec enim, quod scitè eloquitur Seneca, ne delectat, alienum mortuum tollere*) ægrum, quem illis horis demùm decumbere compereram, visitare, juxta memoratas jam circumstantiis abdomen in magnam molem inflatum atque tensum, & ægrum molestissimè respirantem conspiciens, simul audio; *dextrum* etiam *pedem* insigni *tumore* affectum. Quem cum statim etiam conspiciendum dire properaret, assistens lecto Chirurgus, detracto tibiali pelliceo, monstrat fascia lata, inde ab ipsis pedis digitis, supra genu usque deligatum, quâ exsolutâ, ut omnia linei texti filamenta, cuti impressa comparebant, ita ubi laxior fuerat strictura exscendens tumor conspiciebatur.

batur. Quamvis animo proposuissim nihil curæ medicæ interloqui, tamen conscientia stimulante, continere me non poteram, quin chirurgum interrogarem, quo sine pes ita deligatus servaretur? qui facillè rationem reddidit, quod hoc factum sit ad compescendum *incrementum tumoris*. Ubi nescio an planè immatura admonitione (certè affectu erga Virum pro meritis suis mihi æstimationis- sum) id unum dixi: Bindet ihr ihm nur die Geschwulst in Leib hinein, so werdet ihr nicht viel Gutes richten; Quo monito conternati, fasciam deposuerunt. Cum etiam pes, remotâ fasciâ, unguinosum aliquid oleret, & interrogatus Chirurgus memoraret, inungi hucusque solitum esse pedem mixtura spirituosâ, cum balsamo peruviano confata; &, ut solent suspicaces, è vultu meo collegisse putaret, quod unctionem talem non satis probarem, omiâ etiam imposterum est. Peculiari casu evenit, ut sequente die patiens sibi atque mihi derelictus, neque veller, neque bonâ conscientia posset, à me quoque deserî; Eventus autem, adstante Divina gratia fuit, ut intra duos dies à lecto, & post octo fortè sequentes à morbi præsentis insultu ita liberatus fuerit, ut munus suum domi, & mox etiam foris obire posset; Vixerit etiam postea largiente Deo ad anni septuagesimi primi priores menses; Affectu hoc, per longiora intervalla repullulante, cautius & consultius tractato.

§. XLVII.

Ita etiam matrona Illustriss. triginta quinque annorum, corpore & animo exquisitè senilis, post abortum, à gravi casu in lumbos & ingente terrore mediò gestationis tempore toleratum, cum aliâs rhevmaticis musculationibus jam à tribus fortè annis exercita fuisset, simili tumore, utriusque quidem pedis, sed tamen unius præ altero, correpta, benedicente Altissimo ita ab hoc liberata, est, ut

licet ille per tres hucusque annos impertus repullularer, magis magisque verum doloris intimioris sensum una exereret, tamen de tempore in tempus ab hoc etiam rursus liberata, & cætera satis commodè valens, novum puerperium vel experta sit proximis diebus, vel expertura, det DEUS ut feliciter.

Ita quidem suscepto nostro proposito satis perfunctos nos esse sperantes, gratias Divinæ bonitati humillimas persolventes, ut hic etiam noster labor publicis & privatis usibus aliquid emolumenti afferat, humillimâ mente Illam veneramur.

S. D. G.



MADRIGAL

Eil die Belehrsamkeit
Die Ehre hat zur Tochter
angenommen;

Und der sie allezeit
Zu seiner Braut bekommen/
Der mit der Mutter es gehalten:
So wird sie Dir aniko anvertraut.
Weil nun Dein Fleiß sich hier belohnet
schaut!

So rufet **WEGAR** schon:
Komm / mein Belehrter Sohn!
Komm / denn du sollst bey mir
In größern Glück leben:
Ich will samt aller Ehre Dir
Noch eine schöne Tochter geben.

Dem Herrn DOCTORANDEN schrieb
dieses mit einem herzlichem Glück-
Wunsch zu Seinem künftigen Ver-
gnügen

Christian Friederich Hunold/
dictus MENANTES.

MADRIGALE.

N El campo di Minerva
Palme raccogli omai, soettri, e corone;
Che giusto guiderdone
Il Ciel sempre riserva
A chi per l'altrui uita
Spende tanti sudor con alma ardita,
Hor se col graue incarco
Di tue fatighe pur giovane ancora
T'apri alla gloria il uarco,
Giust' è s'ogn'un t'onora
Mentre innesti trofei, fregi ed allori
Alla Patria, à Te stesso, ai Genitori.

*Hà dedicato queste umili espressioni del suo
affetto in segno della diuota seruitù
che professa al molto Illustre Signor
Liebezeit*

COSTANZO ANOME

Maestro della Lingua italiana nella Regia
Uniuerità di Hala,
per auer avuto l'onore d'informarlo
nella medema favella,



NOBILISSIMO
DOMINO CANDIDATO
PRÆSES

S. P. D.

NOtatu dignus est locus apud Senecam, ubi amico suo confitetur, quod, cum junioribus suis annis ad contemplationem solertio rem rerum humanarum, & undique devii & perversi cursus, animum intentius applicare cœpisset, præ fastidio pravitatis atque perditorum seculi morum, sapius ipsum impetus ceperit abrumpendæ vitæ, & tanquam brevi viâ ex hoc labyrintho erumpendi: nisi Parentis imprimis amor hoc dedisset, ut patientius hæc fastidia atque odia perferendo, denique ad tolerantiam & tranquillitatem, animum, velut assuescendo, perduxisset. Certè, quod hic adhuc juvenis, circâ totius vitæ fastidia expertus est, illud augefcente ætate circa unam humanæ vitæ necessitatem, ita animum meum sapius tentavit & quassavit, ut dùm artis medicæ fata atque perplexas turbas mente perpenderem, pigere subindè me ceperit, quod huic studio animum non solum adjecissem, sed prorsus illi operam & industriam addixissem. Sic ut enim in antiquiore schola Medica, non poteram non ægrè ferre, repentinam illam, post Hippocratis & Galeni solertiam, desidiâ, totius propemodùm posteritatis, in poliendis, excolendis, & ad plenum fructum maturandis, antecessorum horum observationibus & commemorationibus; Cujus necessarii partim, partim utilissimi, instituti loco, sufficere videbatur, in illis, quæ à dictis istis artis conditoribus, semel prodita atque posita fuerant, ita acquiescere, ut non solum unguem latum ab iis recedere, tanquam supersticiosæ religioni duceretur, sed etiam supplere & adjicere, quod passim fieri necesse esset, nemo satis auderet; ita recentioribus ævis, irrupente Paracelsi, & seditione in illam denudò concitante Helmontio, salutarem, si rectè usurpata esset, libertatem, de plenitudine doctrinæ Medicæ, ab antiquitate ad nostra tempora devolutæ, disquirendi, in illas turbas & licentiam prolapsam esse, ut innumeris, non diversis solum, sed passim contra;

(

tra;

trariis, imò à se ipsis dissidentibus, opinionibus & commentis
 squalerent; non poterat non mentem, unius veritatis cupidam
 profundâ ægritudine afficere. Quid enim notius est, & jam ne
 ipsi quidem vulgo hominum amplius occultandum, quam quod
 tam antiquæ veritates per imperitiam Clinicam in summam per-
 turbationem deductæ sint: Dum historia morborum, è mutilis
 atque turbidis observatiunculis hominum, vel paucâ atque rarâ
 praxi potitorum: vel inter numerosam praxin animum ad quidvis
 potius, quam ad solertem animadversionem veræ morborum con-
 stitutionis adjicientium, sed potius Empiriæ nudæ insistentium:
 in eum locum deducta sit, ut nihil jam propemodum de antiqua
 atque solidâ morborum descriptione placeat aut probeatur; sed
 vel omnia nova videantur, vel ea solùm decerpantur, quæ phan-
 tasis quibusdam ætiologicis quadrare videantur, suppressis inte-
 rim & silentio prætermisiss, quæ cum his conciliari minimè vale-
 rent. A terum est, post imperitiam, scandalum, inscitia, con-
 templationes & deductiones ætiologicas, secundum simplicem
 verum ordinem causarum instruendi, & instituendi; Quod ita
 hodie insanabile deprehenditur, ut confusa illa, summa imis mi-
 scendi protervia, non possit usquam in viam & meliorem frugem
 reduci. Cui malo, cum accedat, utique novum, scribendi ca-
 coëthes; ut pauci propemodum promptiores sint, certè verò nemo
 impudentior, ad res suas, imò ægræ mentis somnia, publicæ luci
 exponenda, quam qui modo dictis duobus ficulneis fulcris pa-
 lam nituntur; Imperitiâ, inquam, veræ indolis & historici mor-
 borum, & crassâ inscitia, respectuum atque nexuum causalium.
 Fieri itaque aliter non poterat, nisi ut omnia, vel indies magis
 magisque turbarentur, vel semel arrepta perplexa sententia, mor-
 dicus retineretur, & semper eadem crambe recoqueretur. Ubi
 frustra planè est, res illas, in meridianâ luce positas, turbidis talibus
 ingeniis atque moribus, occinere aut ostendere; Infrequentiam
 morborum generalem; Frequentiam autem morborum specia-
 lem, secundum temperamenta & ætates; Conspirationem sub
 eodem genere, morborum succedentium, cum prægressis: & va-
 riationem horum specialem, secundum loca tantum, non verò se-
 cundum totam materiam, aut subalternam formam: Efficaciam,
 genericè simpliciorum utut specificè πολύμωρον, constitutionis
 Plethoricæ, (quam Veteres primo loco inter causas morborum

prudentissimè collocaverunt, tales autem novatores, propemodùm eterno si-
 lentio damnarunt.) Cacoehymix verioris, minimè perplexum aut obscurum,
 ortum ab ipsâ plenitudine; Larvas atque metaphematicos, simplicioribus
 morbis, per portentosus medicationes, parium opinionum fructum, demùm in-
 troduktas, adeoque Corruptos morbos; Ingentia illa, publicè obvia, certè totis
 millenariis numeranda, exempla, imò paradigmata & specimina, variaz speciei
 morborum, sine externo artificio aut adminiculo, sponte Naturæ humanæ, in dies
 feliciter superatorum; Convenientiaz successus, decursus, exitus salutaris, mor-
 borum, etiam sub variis (modo non prorsus heteroclitis) artificiis, cum illis spon-
 taneæ sanationis methodis; aut contrà, ab incommodioribus artificiis, resultant-
 es tales morborum immutationes, è sinceriore suo schemate, in alia, quales in pa-
 ri genere morborum, ubi similia artificia, imò maleficia, non intercesserunt, mor-
 bis illis non solum insolita, sed penitus incogniti sunt; Præsentissimam æque,
 atque potentissimam, & proinde utroque modo etiam frequentissimam, efficaciam,
 Animi pathematum, (etiam à nuda falsa æstimatione atque confusâ ratioci-
 natione pendentium;) in corporis, etiam ceteroquin exquisitè sani, non solum
 reliquos vitales motus, sed in ipsam usque formationem primigeniam humani
 corporis; Discretionem inter veras causas, & effectus seu producta, morborum;
 imprimis minùs manifestò, præsertim ad ita crassum sensum, sese exerentem;
 Discretionem æquivocæ & incertæ, & contrà univocæ, certæ, constantis, eviden-
 tis, operationis atque efficaciz remediorum, & illinc pendentium etiam æquivo-
 carum curationum: (dum unum idemque morbi genus, non solum sine talibus,
 sed vel planè contrariis, modò nihil novæ turbæ objicientibus, artificiis, passim
 sanatur, imò nihilo incommodius aut deterius, numerosis exemplis, etiam sine
 omni externo artificio) Et plura, quæ tamen ad hæc fundamenta propriè colline-
 ant. Frustrâ, inquam, sic hæc talibus præ monstrare, qui fundamentali illo, tan-
 topere ab Hippocrate in Medicinâ sectatore commendato atque præsupposito,
 fulcimento, τῆς Φύσεως, indolis ingeniosæ & sagacis, destituti, sub reliqua
 morum feritate, etiam humanæ rationis præsentiam, solâ corporis humani larvâ
 demonstrare possunt. Unde, postquam Murum in vivo, quin ipso humano, cor-
 pore, uno, malè intellecto & applicito, vocabulo, hinc indè obiter mentionem faci-
 unt, toto reliquo nugarum suarum contextu, nihil nisi tales, & tam fatuas, ma-
 terias decantant, ut cum ante dictis illis manifestis, morborum æque, ac totius
 sanitatis atque vitæ humanæ, conditionibus atque casibus, non plus, quam Car-
 dius cum circulo, quadrent. Faciunt certè, ut inde ab initio dixi, hæc talia ar-
 tis Medica fata atque scandala, ut cum aliis multis honestis & cordatis Viris, etiam
 me subinde artis ita prostrutæ, pœniteat, pigeat, imò pudeat, & sæpè cogitatio
 animum subeat, annon honestius, certè tranquillius & commodius, rebus ita con-
 stitutis penitus obnuociare, & quamlibet potius aliam honestem vivendi ratio-
 nem inire, futurum esset. Sed cum ubilibet propemodùm multa zizania bonas
 fruges obsideat, & j. m. prudenter monente S. Apostolo, è mundo ipsi emigran-
 dum foret, si passim præcellentibus abusibus atque pravitatibus elabi, obstinatum
 esset propositum & ferenda utique sunt, quæ mutari non possunt, & sapientissimæ
 voluntari atque ordinationi Divinæ commendandum, quando illa, vitia hæc,
 salubri sementi ab hoste interspersa, eradicare consuevit. Levat inte-
 rim

rim tadium, & exile iubar melioris spei tanquam per nebulam offendit, quod minimè desint tales adhuc Viri, qui scientiæ atque conscientiæ compotes, uti laves has privatim affatim agnoscunt, iisque suo loco, in exoptatos usus proximi, consulere cordi habent, ita etiam magis magisque eo connisuri sint, ut publicè quoque veritatis puræ atque castæ splendor enitescat, & spreta zizania, bonæ frugis feges, ad lætiorem messem maturescat. Præbuiſti mihi, NOBILISSIMÆ CANDIDATE, occasionem, de his rebus differendi; siquidem, Tu, Tuique similes plures, dum bona indole, solerti ac sagaci ingenio, industria atque assiduitate indefessa, artis Medicæ sanæ atque luculentæ doctrinæ, ita incubuisti, ut planam veritatis semitam præ salebrosis & anfractuosis, devisis & præruptis, prudenter distinguere didiceritis, illam cordatè prosequi curæ cordique habetis. Nempe memores, hujus autorem Deum esse: Fontem luminis, quod rectâ imprimis viâ fulgorem suum masculè diffundit; Hostem autem Patrem esse falsitatis, obliquitatis, tricarum & turbarum, in tenebras atque præcipitia ducentium; Memores, quod non de nugis, & verborum cavillis, sed de vita atque sanitate humana, sollicita debeat esse scientia Medica atque conscientia. Quæ proinde benedictionem Divinam, rectâ atque planâ viâ, sectari debeat; Dum hostilibus fallaciis infelicitè confisi, nihil nisi confusionem, & animum graviter torquentem perverſum moliminum suorum, successum & eventum reportant. Inſiſte porro, ut haſtenus laudabiliter feciſti, huic viæ, & præopta invidendos successus, quam ſibi ipſi miſeros invidiæ exceſſus; Fac diligenter opus ſer patienter onus Transfer idem ſtudium, quod doctrinæ Medicæ, bene firmæ & coagmentatæ, adhibuiſti, ad uſum ejus atque exercitium practicum. Utere prudentia, circumſpectione, cautione; obſerva, non limis & cœcutientibus, nedum torvis oculis, ſed ſincero & cordato conſpectu, quid rerum geratur, ſub turbidis illis opinionum, ut pelagi fluctus non tam coherentium, quam ſe mutuo trudentium atque ſubmergentium & omnia ſuſque deque rapientium ac turbantium, voraginibus; Inſpice hæc, imò deſpice, è continenti, firmo, ſicco atque ſolido, littore; Miſerere naufragorum, ſubveni conſilio & auxilio; Proſpice interim Tibi quoque, ne te furentes aquæ, inſana ſua ebullitione, limo atque ſpurco ſale aſpergant; aut excute ſanè ſine indignatione, & ad placidam auram, atque ſolem, ſub benigno cælo, deſicca. Benedic Altifſimo, qui ubi firmiter conſiſtere poſſit pes tuus, ſapientia ſua atque veritate offendit; Ita ſemper poſſidebis animam tuam in patientia, tranquillitate, & læta *αὐταρχεία*: Habebis, quod agas, & quod recte agas; inſervies proximo, & eris commendatus amorì ejus, & benignis votis; Erit Tibi ars Medica, & tu eris arti, decori; Procul luxu, procul ſegni otio, procul inani atque perſito negotio, benedigente, & perpetuo aſſiſtente, exorata, Divina gratia, quoad vivis gaudebis.

Certus & ſecurus ominor & amica mente apprecor. Vale.

Dab. è Muſæo 8. Martii,

MDCXCIII.



EPISTOLA GRATULATORIA
 QUA
**PODAGRAM SI-
 NE SALE**

EXPLICAT AC DEFENDIT

ET

VIRO JUVENI

NOBILISSIMO POLITISSIMO ET SOLIDA ERUDI-
 TIONE ORNATISSIMO

**DN. GEORG. SIGISMUNDO
 LIEBEZEIT,**

MEDICINÆ CANDIDATO DIGNISSIMO
 FAUTORI ET AMICO SUO SVAVISSIMO

OB

FELICEM ET HONORIFICUM CURSUS ACADEMICI FINEM
 DUM

SUMMOS IN ARTE MEDICA HONORES ET LAUREAM
 DOCTORALEM OPTIME PROMERITAM

PRÆMISSA SOLEMNI ATQVE ERUDITA DISSERTATIONE

DE

**TUMORE OEDEMATOSO-PODA-
 GRICO,**

CUM APPLAUSU PUBLICO EXCIPIT,
 AMICE ET SINCERE FELICIA OPTAT

D. MICHAEL ALBERTI,

PROF. PUBL. EXTRAORD. ET REIPUBL. NORIB.

PHYS. ORD.

Epistola



THE
JOURNAL
OF
THE
ROYAL ANTHROPOLOGICAL INSTITUTE
VOLUME 10
PART 1
1880

NOBILISSIMO POLITISSIMO ET ERU-
DITISSIMO
DOMINO CANDIDATO

Συμφύλου

D. MICHAEL ALBERTI



Xoptata se se offert occasio, qua verum & sincere Elogium publico quodam scripto *Politissimi Domini Candidati* exponere ac profiteri, & cum epistola quadam gratulatoria maximè laudabilibus Tuis studiis & conatibus applaudere possum. Dissertationem quandam egregiam, negotium Podagræ quadantenus concernentem, ut specimen solidæ Tuæ eruditionis pro acquirendis Dignitatibus Doctoralibus, publici Juris facis. Sed cum notitia Podagræ tam Theoretica, quam Practica adhuc passim multam crucem figere soleat, placuit propterea præsentī labore Lemma quoddam de *Podagra sine Tartaro* sive *sine sale* resolvere, & de eodem Tecum amice differere. Podagra quidem & ominosum & odiosum nomen existit, partim quia facile in alios suspectos effectus & eventus transfigurari solet, dum vel retropellitur, vel in affectus Paralytodeos, asciticos, hecticos, scirrhosos, œdematosos aut in ariduras, contracturas, & stupores modo conjicitur, alibi prolabitur, partim quia tale malum existit, de quo & veteres & recentiores Medici, ex uberrima experientia contestantur, quod scandalosum, refractarium & vix coercibile sit, de quo etiam Podagricus ille Crucifer *Sydenhamius* implicite profitetur, quod, qui jam diu cum malo hoc afflictus fuit, observationes suas de hoc morbo ejusque cura parum desiderii & votis vulgaribus accommodare queat. Neque tale quidem solum malum existit, hæc Podagra, ex sua nuda & simplici indole, sed adhuc majus malum evadit, si in sua forma atque genio non exacte atque vere agnoscitur, hinc tot Podagræ causales explanationes, vix in solatium miserorum ægrotantium cedunt, quot hu-

humores corrupti & atrabilarii secundum veteres, quot flatulentia, & nescias quales maligni vapores à Fieno, quot fermentationes à Willisianis, quot Nervorum debilitationes, & quot tandem salia à posteris multis operose & anxie effinguntur & supponuntur. Ex singulis vero ejusmodi persuasionibus & opinionibus, nulla mihi incertior, & magis ridicula videtur, quam illa Podagræ Pathologia quæ cum sale nescias quo Pontico & austero macerata, & cum Tartaro aspersa est, utinam modo Nitrum fuisset, quod ad communem consensum ab omni labe & præcipue putredine, præservare debet, ne indies Pathologia illa falsa in putrilaginem rueret. Hæc uti in omnibus morborum deductionibus fontico quodam vicio laborat, ita tanto magis in Podagræ explicatione, quamvis affatim falsa, tamen semper falsa deprehenditur: unde placuit purgamentum quoddam præsentī conamine conficere, quo tandem ex austera illa ætiologia falsa, & præcipue quidem famosus ille Tartarus, educantur, ne hæc ultro animum humanum vellicent, & in judicii spasmos & spirituum tormenta excitanda cedant: Hinc nihil aliud apponam & proponam, quam Podagram sine sale & Pipere, sine Tartaro quovis i. e. quod Podagra a nulla salina Tartarea, materiali causa effective rodente, pungente, stimulante, pruriente, vellicante dependeat, quam rem primo per instantias ex historia facti proprie fluentes commonstrabo, deinde ad objectiones vulgares, & hujus falsæ hypotheseos defensiones, brevissimis respondebo. Quod itaque Podagra a nullo sale dependeat, confirmat 1.) quod hic affectus non indifferenter quaslibet ætates corripit, sed quod sit morbus certæ ætati proprius, siquidem familiaris post quadragesimum ætatis annum, consistentis nimirum ætatis periodo, subiecta occupare solet, quamvis rarius juniores homines invadat. Ex quâ circumstantia quærere liceat, quî hoc suppositum sal, hac demum ætate rotat, pungat, aut generetur atque proveniat? facile quidem excipi posset, quod otia dent vitia, & quod hac ætate subiecta talia ob otia & luxuriem salia hæc coacervent, & retineant! sed æque facilis est exceptio, quod partim subiecta extra otiosum vitæ genus, hoc malum experiantur, & quod alia subiecta in simili otio-

fa vita versantia Podagram non subeant, quamvis æquali diætâ
 & aere, aliisq; extraneis causis fruantur, & quod propterea non
 nudum otium ad hunc affectum disponat. 2.) quâ fiat ut hæc
 salia hac ætate pedes seu partes inferiores, & non indiscretim
 universum Corpus offendant? cum vix ex causis physicis de-
 monstrari possit talis descensus Tartari hac ætate in hæc loca
 contingens; excipi quidem posset, quod hac ætate hi aculei fi-
 ant graviores, adeoque tendant deorsum, sed olet hæc exce-
 ptio petitionem principii, æque ac si dixerim, quod hac ætate
 salia in majori copia colligantur, ut propterea inferiora petant,
 quæ facilis quidem est suppositio, difficilis vero demonstratio
 seu probatio; si quisquam ultro insistere velit, quod hac ætate
 salia copiosius generentur, quæritur etiam ultro 3.) partim quâ
 fiat, ut, dum inter annum ætatis quadragesimum & trigessimum
 quintum exiguum discrimen, tam quoad robur Corporis, quam
 quoad vires & vigorem animi intercedat, hoc sal non hac æta-
 tis periodo, sed illa demum generetur? ubi iterum maximope-
 re claudicat illa exceptio, quasi in illo ætatis termino fibræ
 morrices laxiores fiant, ubi merito nexum desiderare debeo,
 inter laxitatem fibrarum, & genesis salium, dum salia minime
 sub infarctu & oppletionem spatiorum majorum, sed sub majori
 attritione, attenuatione & subtilisatione, per concursum va-
 lidorum & frequentiorum motuum demum generentur, quod
 Chymicis accuratioribus innoteſcit; unde hæc excusatio con-
 tra sensum & experientiam rationis & generationis salium est;
 quo accedit, quod falsa & ab omni Physico Chymico Mecha-
 nica, tanto magis organica corporis vivi ratione aliena sit sup-
 positio, quasi hac ætate, nimirum quadragesimo vitæ anno &
 post illum proxime concoctio sit debilior, unde salia per potu-
 lenta & alimenta, quin ipsum aerem accedentia & accersita,
 non ita extenuari & subtilisari posse, sed densiora & crassiora
 obſidere corpus, & poris inhærescere; ast citra illud, quod nuda
 hæc sit suppositio omni ratione vacua, (dum quæſtio move-
 ri posset, cur hoc non fiat trigesimo quinto, sexto, septimo æ-
 tatis anno) ultro quæri debet, quâ hoc non ita frequenter con-
 tingat, cur non in famellis? cur non in aliis subjectis? cur non
 in omnibus, quæ in hac ætate constituta sunt? cur non in pue-
 rulis,

rulis, quorum textura est laxior, & qui tam acida quam amara,
 pontica & austeria, acris & dulcia &c. affatim ingurgitant? cur
 non in femellis quibusvis, quæ vulgo quidem laxioris texture
 & otiosioris vitæ generis esse dicuntur? cur non in subjectis Ca-
 cochymicis, & Cachecticis hæc contingunt, sed in subjectis
 de reliquo optime sanis? &c. &c. 4.) qui hic affectus certis
 temperamentis familiaris sit, & non indifferenter omnibus? qui
 hæc salia, hic Tartarus horridus, solum in Sanguineo-Melan-
 cholicis, Sanguineo-Cholericis, Phlegmatico-Cholericis ge-
 nerentur, an non simili ratione in aliis subjectis generari que-
 ant, ubi odium sane est, tantum exaudire debere, illas ste-
 riles traditiones & Theses, omni ratione destitutas, quasi hoc
 in tali & non alio temperamento fiat, ob rigiditatem & laxita-
 tem temperatam fibrarum, & talem convenientem proportio-
 nem fluidi ad solidum, humidi ad tubulos, & quæ sunt aliæ hu-
 jus furfuris nugæ, quas singulas recensere piget, & foetet, utpo-
 te quales plures steriles excusationes in hac falsa pathologia lu-
 xuriose occurrunt, quæ vero quia nimis acres & salitæ sunt,
 appetitum destruunt & nauseam conciliant, manet iterea ir-
 resolubile problema, qui in hisce temperamentorum mixtu-
 ris salia hæc Tartarea generentur? nisi quisquam impuras, &
 crassas petitiones principii expectare & exaudire gestiat 5.)
 quæritur ultro, quid hac prædicta ætate, sal hoc præsupposi-
 tum has crassas musculosas pedum partes vexare & offendere
 debeat, & non alias subtiles, nervosas, membranaceas, tendino-
 sas, ligamentosas, vel in aliis regionibus Corporis constitutas,
 vel in pedibus obvias partes. Vulgo quidem dicitur, quod hæc
 barbarica & Tartarea salia operentur in nervos, sed effectus
 maximus deprehenditur in partibus musculosis, quæ sub pa-
 roxysmo, ita dici solito, huius mali obriescunt. in quibus etiam
 maximus dolor & Cruciatu percipi solet, cum alioquin probe
 peritis innotescat, cujus indolis sit dolor in nervis, tendinibus
 & ligamentis; quin admirandum est, cur hoc sal stimulans non
 cum longe vehementiori gradu perioestia offendat, & longe alia
 dolorum specimina inferat, & concitet, 6.) Contrariatur et-
 iam huic Pathologiæ falsæ, sensus in Podagra obuius, qui non
 est rodens, pungens, acris, stimulans sed tenforius, tractorius, vibra-

vibra-

vibrativus, palpitatorius, uno verbo spasticus, quales sensationes a salibus pungentibus non proveniunt, quo loco facilis est illa explicatio exaudienda, quasi hæc salia offendant fibrillas, quæ deinde tali ordine & ratione contrahuntur, sed facilis etiam est demonstratio, quod tales contractiones & obrescentiæ sine omni salino concursu occurrere soleant, unde non necesse est, tanquam ex quadam prærogativa in Podagra salinum illum stimulum accusare 7.) huc pertinet illa connectio, ex hac falsa Pathologia postulanda, quæ fiat, ut hæc salia generentur in hisce subjectis, quæ ante hac spontaneis sanguinis evacuationibus adsuefacta sunt, quid hæmorrhagarum cessatio ad genesis salium contribuat, cum longe simplicior sit conceptus, quod eadem ad abundantiam sanguinis faciat, cum etiam experientia teste multi ex hæmorrhagarum cessatione plethorici quidem deprehendantur, sed non æque facile scorbutici, aut Podagrici, cujus rei magnum documentum sistunt, homines plebeji, seu opificiarii, & rustici, qui quamdiu in agili vitæ genere versantur, vix frequentes hæmorrhagias experiuntur, & nullam salium genesis subeunt, ubi sane iterum miseranda & dolenda est illa excusatio & defensio, quasi ejusmodi homines, masculi imprimis per labores salia hæc iterum e Sanguine & toto Corpore removeant, & eliciant, quæ tamen antea in suo Corpore sine omni dubio gestarunt, & quæ sub præsentia sua tales effectus necessario exserere debuerunt. 8.) magnum vero offendiculum præbet, illa circumstantia, quod Podagra detur hæreditaria, quod propagetur in infantes; ubi conceptu, nedum demonstratu difficile est, quæ salia talia propagentur, aut qui corpus ita extrui debeat, ut tam cito Tartarei illi aculei & hastæ generentur, vix prudens quidam acquiescet, in nuda thetica suppositione, quia Podagra ex ejusmodi stimulis salinis concitatur, ita hanc etiam circumstantiam fieri peculiari quodam modo; quasi hoc fermentum acidum podagricum cum spiritu genitali communicetur; quæ nimis rudis est Philosophia, quando tam crasse modus fiendi occultatur, & loco excusationis sterilis illa exclamatio proponitur, rem esse veram, modum fiendi esse occultum, quamvis quidem non abnegem, quod dentur varii modi, qui in sensus &
men-

mentem nostram non cadunt, illum vero fiendi modum, in hanc classẽ non pertinere, iterum firmiter scio 9.) Non minus illud phænomenon admodum præjudiciosum est, quod Podagrici insultus, quando semel defervuerunt per animi pathemata tanto magis non exsatiata, & citissime & efficacissime denuo revocari possint, ubi iterum urgenda erit necessaria illa connexio, inter animi motus & sal pungens, quæ fiat cum nunc salia illa suspecta obtusa reddita sint, aut dispersa & imminuta, quando Podagricus Paroxysmus remittit, ut sub illis patheticis commotionibus salia statim & nova in promptu sint, & confestim in pedes delabantur, & illico extemporaneo modo pun gere iterato inchoent? quæ fiat ut hæc salia iterum advolent & vellicent pedes, quando præprimis pathetici illi motus non exsatiantur? sunt hæc talia problemata, quæ difficillime ex principiis falsæ Pathologiæ resolvi possunt, nisi ridiculas & crinibus, ut ajunt, protractas explicationes patienter exaudire velimus, quæ vero cum sale sapientiæ destituta sint, non satisfaciunt rationabilibus desideriis 10.) accedit & illa circumstantia quod varie, & sæpe statariam & periodicam podagræ reversionem observemus, ubi attentioni commendam illam quæstionem, quæ contingat, ut hæc salia justis temporibus puncturas & stimulationes suas exerçant, ad quod demonstrandum in corpore humano neque mechanica, neque mathematica, neque physica, neque hydraulica, & hydrostatica neque Chymica dogmata satisfacere possunt, quamvis quidem petulans animus horoscopa vasa in Copore humano effingere quidem facile, sed difficile demonstrare queat, quod pertinet 11.) Quod podagra citra ullam necessitatem ad causam materialem consuetudinalis facile evadat, ut adhibitis variis & vulgaribus acidum Tartareum destruentibus remediis, nihilominus hoc malum vel cedat, vel remittat, sed consuetudo tenore recurrat, ubi iterum nexus deficit, inter consuetudinem & Tartarum sive sal perpetuo pedes pungens, atque crucians 12.) Cum venus secundum vulgare quoddam dicterium ad podagram disponere debeat, arduum est ex hac causa genesin salis arcessere posse, nisi una diætã luxuriosa accusari debeat, quo loco iterum illa difficultas remanet, quod talis luxuries

xuries etiam omni abusu salitorum vacua, tamen podagram invi-
tet, aut cum abusu sapidorum stipata, minime indifcretim poda-
gram provocet, quod tamen fieri debebat, si hæc salia sui juris
essent, & hoc negotium nude physice contingeret, prout falsa
Pathologia requirit; 13.) Impossibile etiam est ex hac falsa Pa-
thologia demonstrare posse, ad Hippocratis observationem, &
commendationem, quæ Venæ Iliacæ & Crurales in affectibus Ischi-
aticis, femoralibus, hæmorrhoidalibus, Podagricis, Varicosis,
Coxendicum doloribus, imo ipso fluxu hæmorrhoidali, quid
quod, quæ hi affectus, inter se invicem conspirent: arduum erit
hanc genesin salium in negotio hæmorrhoidali commonstrare, &
diversum decubitus eorundem, ad diversas has regiones con-
firmare, & rationabiliter explicare posse, quæ sub moliminibus
& motibus hisce spasticis, qui ad nullum alium, quam hæmor-
rhoidealem fluxum collineant, salia etiam in ullam æstimationem
venire queant? quæ cum tempore ex regionibus superioribus
ad inferiores salia hæc delabantur? quem nexum ad venas præ-
dictas habeant? cum longe simplicior atque verior connexio
inveniri possit, in motu sanguinis progressivo, in venis hisce,
consistente. 14.) Huc accensenda est, illa analogia historico-
Practica observatio, quod Podagra & affine malum Ischiaticum
per tempestivum fluxum hæmorrhoidalem aut tollatur, aut exi-
tie emendetur, ubi omnis fiducia in hæc salia collocata, peni-
tus cadit: quæ enim poterit hæmorrhoidalis fluxus salia hæc è
pedibus educere, si hæc antea fibrillis inhærescerent? quantum
hujus salis rodentis per fluxum hæmorrhoidalem evacuari que-
at, ut, in comparatione ad reliquam Sanguinis quantitatem, re-
siduus Tartarus, non tantæ potestatis existat, quo ultro pedes
vexare queat? & quæ tandem eveniat, ut, quando Podagra jam
habitualis reddita est, hæmorrhoidalis fluxus affectum hunc non
tollat? & per consequens Tartarum non educat? forte sub ta-
li statu hi aculei nimis profunde & firmiter fibrillis sunt inne-
xi? sed cur non postea Podagra indefinenter affligit, quia ex hy-
pothesi perpetua esset Tartari præsentia in pedibus? 15.) Cum
hac consideratione conspirat & hæc, quod Podagram multum
levet, mitiget, & a frequentiori recursum præoccupet, justa, &
quidem magis præservatoria Venæ Sectio, aut cur non Curato-
ria?

fia? per quam forte similiter falia educerentur; cur indiscre-
 tim administrata Venæ Sectio hunc affectum exasperet? quam-
 vis ad hypothefin Tartarum una eliminaret: quantum confer-
 re posset Venæ Sectio, qua aliquot Sanguinis unciz subtrahe-
 rentur, adeoque paucum de illo sale inimico una eliminaretur,
 nī intra breve tempus illud sal regeneretur, & pristinam tragœ-
 dium denuo luderet, quod vi Pathologiæ falsæ evenire debe-
 ret, quamvis non soleat, ut ita cum experientia destruatut to-
 ta hæc excusatio 16.) Quin multam & neutiquam superficiari-
 am attentionem meretur illa circumstantia, cur hæmorrhoides
 suppressas, aut male & difficulter perrumpentes Podagra inse-
 qui soleat? quis hic subest consensus salium Tartareorum cum
 locis hæmorrhoidalibus? cur hæc falia tunc demum generan-
 tur, in hisce subjectis, quando hæmorrhoides hisce difficulta-
 tibus laborant? cur non in aliis subjectis hæc genesis salium oc-
 currit, quæ nulla plane molimina hæmorrhoidalialia experiun-
 tur? quid plenitudo sanguinis contribuat ad genesin salium,
 & quidem nunc pedes infestantium? cur ex hæmorrhoidum
 impedimentis falia in pedibus generentur aut eo delabantur?
 cur hæc non quaquaversum & in universo Corpore dispergan-
 tur? 17.) Animadversione etiam indiget, veterum Medicorum
 observatio, quod Podagra Evnuchos non invaserit, qui tamen in
 lauta, delicata & luxuriosa diætâ vixerunt, ubi merito interro-
 gandum, quī illis temporibus (scio enim quod universalitati hu-
 jus observationis, posteri obloquantur) in Evnuchis, sub tam apta
 diætâ & vitæ ratione falia hæc non genita fuerint? quid venus
 contribuat ad Tartari genesin? sicuti Hippocrates eloquitur,
 quod pueri, qui venerem nondum experti, podagram non ex-
 periantur, & cur adultiores in hoc actu luxuriosi, frequentius
 podagram subeant? quæritur, quæ hic possit inveniri connexio,
 cum salium proventu, sepelitis vero omnibus petitionibus prin-
 cipii. In hujus phænomeni explicatione non penitus contem-
 nendus est tam *Hippocrates*, quam *Galenus*, qui passim culpam
 conjiciunt, in plenitudinem & abundantiam humorum, quam-
 vis alias adhuc rationes intermisceant, & cum hisce utiles cogi-
 tationes confundant, in quo tamen veterum simplicitati aliquid
 condonandum est, qui tamen multam laudem promeruerunt, in
 stu.

studio illo, in quo historiam morborum non parum exacte annotarunt. 18.) Meretur ultro aliquam pensitationem conspiratio calculi cum podagra, quam non modo veteres, sed & recentiores abunde observarunt: quæstio hic moveri posset, an hic consensus ex Pathologia Tartarea demonstrari queat? quid hic ascensus & descensus in hæc distincta loca, explicari & confirmari posset? quo ordine fluxus hæmorrhoidalis, Nephritis calculosa, Podagra, & Genealogia Tartari connecti queant? Quisnam occurrat aditus & reditus salis e renibus in pedes, & vice versa? quid ut plurimum uno eodemque tempore salia hæc tam renes quam pedes stimulare soleant? an forte salia hæc habebunt harmoniam per intercurrentes spiritus? parturiunt montes &c.? cur alius est effectus hujus salis in renibus per ulcerationem manifestus, & in pedibus per nudam rosionem suppositus? quid hæc salia hac ætate, nimirum completa virili, qua hæmorrhoides externæ & varices evenire deberent, hunc consensum & inveniant, & servant, ut renes & pedes attingant? cur non maturius pedes aut renes, cur non serius? quam historicam circumstantiam iterum minime Chymica illa Pathologia explanabit. 19.) Non penitus etiam negligenda est illa observatio, ex historia Podagræ deprompta, quod femellæ rarius Podagram experiantur aut præ viris infrequentius subeant; & quamvis quidem veterum observationi in nostris Climatibus penitus subscribere non audeam, quasi ad *Hippocratis aphorism 19. sect. 6.* mulieres non Podagra laborent, si non menses ipsi defecerint, attamen hæc observatio, non absolute postponenda est, dum variæ femellæ podagram non maturius suscipiant, nisi post mensium cessationem, cujus rei notatu dignum documentum allegare possum; novi viduam adhuc vivam, quæ octogesimum ætatis annum attigit, hæc est Sanguineo Melancholica, plurimorum liberorum mater, quæ ad septuagesimum octavum ætatis suæ annum Venæ Sectionem cum euphoria admisit, quia semper Plethorica extitit, quamprimum vero ob famosam illam, & vulgo creditam spirituum vitalium conservationem, huic Sanguinis ventilationi valedixit, perfectam podagram incidit, qua adhuc laborat, quamvis per totam vitam nullum eminentem aut Chronicum spasticum affectum experta fuerit! hinc quæro? unde sub hisce circumstantiis ventriculus ita confestim alteratus

b a

est,

est, ut salia talia famosa gignat, licet vidua hæc in accuratissima diætâ verferetur, & plurimum salis & sapidorum usum evitet? quî eveniat, ut aliæ femellæ post mensium cessationem hunc affectum experiantur: quî vero infrequentius eundem subeant ac masculi, dum tamen creduntur esse torpidioris naturæ, dum in otioso vitæ genere degunt, dum similiter tales femellæ vino & diætâ sapida & luxuriosa fruuntur: quamnam habebunt prærogativam præ viris, ut in illis salia hæc acida, volatilia, Tartarea, non tam frequenter generentur; quamvis omnes occasiones in illis ad citiorem salium horum genesin concurrant, quænam hic miseranda Corporis dispositio & variatio effingi & excogitari potest, ne tota excusatio & explicatio sordeat? plures possem in hac circumstantia suppedicare instantias, ni brevis spatii præfixi, me ad alias considerationes admoneat; 20.) miraculosus præterea est, ille millies millenis exemplis comprobatus casus, quod dentur homines, qui in maxime salina diætâ constituti sunt, ubi non modo aqua salibus acidis est inquinata, sed tota consuetudo ad salia propendet, qui tamen per totam vitam nullam Podagram perferunt: lepida illa est, quæ occurrit exceptio, & responso, nimirum Corpora sunt diversa, fibrillæ vel nervi sunt rigidiores, vel laxiores, ast quî exinde demonstrari potest, quod salia non simili facilitate, in iisdem generentur; non sufficit solum fallaciam non causæ ut causæ proponere, aut causam quandam ex aere captare & obtrudere, sed da demonstrandi: unde quia demonstrationes rationabiles, & iuste cohærentes in ejusmodi theoria admodum tardæ, causarum vero inventiones præcípites sunt, latet me hercle error in recessu, de qua re multa dici possent, si tempus permitteret. Cur opificarii & rustici, qui sal cum pane, caseum sapidum, butyrum largiter salitum, carnem cum sale & fumo abunde imprægnatam comedunt, non experiuntur podagram? rigorosum hic audio responsum: hi elaborant iterum sal. Sie arbeiten das Salz wieder heraus, crediderim vero, quod multum salis per laborem ex sanguine regeneretur, & per diætâ reparetur, ut tantum salis semper maneat in Corpore, quantum ad Podagram sufficit excitandam: sed piget atque pudet pluribus ad ridicula talia regere. 21.) Cum hac circumstantia, convenit & proxima alia, quod homines verè scorbutici, non verò vulgo tales

cre-

crediti, aut ad communem sensum dicti; non tam frequenter Podagrici deprehendantur, quales ad hypothesin falsam necessario esse debeant, hi turgent sale tali acri, & quidem fixo, tam sanguini, quam fibris firmitus inhaerente, & tamen ita frequenter Podagra non laborant, sed longe alias passiones experiuntur: Scio equidem quod Fautores Pathologiæ falsæ asserant, Icorbuticos frequenter Podagra corripipi, sed est magis cerebrina hæc speculatio, & suppositio huic Pathologiæ accommodata, quam per ipsam historiam facti obfirmata, facilius enim quicquam fingitur, non facile vero demonstratur, 22.) Dantur etiam Podagrici, qui, quamvis selecta & accurata diætâ fruantur, abstinentes à suspecto usu sapidorum, salinorum, vinosorum, attamen hos cruciatus experiuntur, in quo Pathologi falsi perquam anxii & confusi sunt, donec huius phænomeni causam excogitare possunt, semper tamen ita felices existunt, ut ἀπὸ μηχανῆς sal quoddam inveniant, quod ad præsentem casum applicare solent, quamvis sub confusa totius illius negotii deductione. 23.) Maxime vero scandalosum & præiudiciosum est, qui per remedia sanguinem edulcorantia, repurgantia, à salibus & Tartaro liberantia, acidum absorbentia, tam parum Podagra mitigari, vix unquam vero curari queat? quæ tamen indicatio therapeutica ad hypothesin falsam absolute proficere deberet, ut remota tunc causa materiali, effectus rodens vellicans cedat, atque desinat. 24.) Quid quod illud merito observari debet, quomodo ex retropulsa Podagra, non tam vitia, quæ salibus assignari possint, aut debeant, oriantur, sed potius motus alterati prodeant, ut sunt internæ inflammationes, congestiones, spasticæ, aut convulsivæ tractiones, infarctus & oppletiones, & exinde demum propullulantes scirrhi, effectus Cachectici, Hectici, alique, quales singuli salinis quibusdam inquinamentis perperam adscribuntur: sed occurrit tunc nova illa difficultas, qui effectus tales rationabiliter à salibus illis suspectis deduci queant? 25.) Cum hac consideratione convenit & alia, nimirum quod Podagra ita cito retropelli queat, ut conceptu difficillimum sit, qui tam repente salia talia è pedibus ad interiora abdominis exprimi & proprii possint? quæ tamen alias communiter firmitus fibrillis innexa & infixæ finguntur, unde repentina Podagræ retropressio non con-

gruit, cum reliquis circumstantiis in hac Pathologia advertendis. 26.) Ex experientia edocti quidā non male profitentur, quod Narcotica in Podagra noceant, quod inter varios alios allegavit A. N. C. *Raygerus dec. 3. an. 2. obs. 12.* cujus rei alii Pathologiæ falsæ faventes, ex longe alio capite, quam ex hac Pathologia causam reddunt, nimirum quasi cum illis naturæ motus turbentur, siquidem constat, quod Opiatorum usum in Podagra sequantur stupores, tumores Oedematosi, aut Paralytodei eventus, aut secundum *Wedelium in Opiologia tephacea durities*; hic sane, remotis omnibus petitionibus principii, arduum erit hanc observationem conectere, cum theoria falsa, ut exinde liqueat, quod in salibus culpa non lateat. Quod vero adhuc attinet, paucas illas & rarissimas observationes de Podagra ex esu cerasorum acidorum, vid. A. N. C. *Dec. 3. an. 3. obs. 46.* ex usu spiritus vitrioli *Tachenius Hippocr. chym.* aut acetositatis Citri orta, licebit merito, in illis hoc dubium movere, an certò, acido illo salii culpa adscribi possit, an non potius hæc in subjectis, ad Podagram ratione ætatis, temperamenti, sexus, vitæ generis, & aliarum circumstantiarum dispositis, occasionem suppeditaverint, ut spasticæ tales commotiones susceptæ fuerint, siquidem à sana ratione non alienum est, quod vitia concoctionis & digestionis, ad motus sanguinis alterationem concurrant, cujus rei documentum præbent, perturbationes mensium & hæmorrhoidum, ex perversa diætâ: vid. *Dec. 2. an. 5. obs. 46. Ledelii ob esu Carpionis Podagra*; nam quæstione adhuc opus est, quæ hæc acida in pedes & non statim in primas vias, in partes interiores, aut alias nervosas, effectum suum stimulantem dimiserint? cujus prærogativæ, nisi per petitionem principii, nulla ratio vera reddi & excogitari potest; vulgo quidem in ventriculum conjicitur omnis culpa, quasi ille salia talia, vel non recte subigat, aut alteret, vel plane generet, & per primas vias citius dimittat, ast qui demonstrari poterit, prærogativa illa supposita unius stomachi præ alio, ad tolerandum, & citius transmittendum acidum tale fermentativum peccans? quæ hoc confirmari possit, sine habito respectu ad differentiam ætatis, sexus, temperamenti, morum, consuetudinum, dispositionis hæreditariæ, quæ tamen singulæ circumstantiæ, in Pathologia Podagræ, exquisitè observandæ sunt. Multa etiam de vinis Tartareis

reis, acidis, facile fermentantibus in Patrociniū falsæ hujus Patho-
 logiæ proponuntur, quæ vero etiam comūiter experienciæ con-
 trariantur, cum similiter alia vina spirituosā & calidā, aut sulphura-
 ta ad Podagram disponant, non tamen quia acidum quoddam sup-
 peditant, sed quia sanguinem vehementer comōvent, atq; impel-
 lunt, propterea non omnes qui vinis talibus utuntur, Podagram
 experiuntur, ubi nimis crassa est illa provocatio, ad differentiam
 corporum physicā & mechanicā, quia solum in thesi subsistit,
 & in hypothesi deficit; vel etiam tales, qui vina talia quovis studio
 evitant, Podagram nihilominus subeunt. Cura Podagræ cum la-
 cte, ex qua aliqui in Podagra salia accersere volunt, non est uni-
 versalis & promeruit huc usque observationibus Medicis inseri,
 de quo experimento agit *Greifselius de cura lactis in Arthritis*,
Doleus in A. N. C. Dec. 1. an. 6. & 7. obs. 52. Febrius dec. 2. An. 2.
obs. 3. Cum vero lac habeat etiam temperantem, demulcentem,
 lenientem, emollientem virtutem, sane si unquam lac in Pod-
 agra conducit, non propter edulcorationem, & acidi involutio-
 nem, quæ assertio petitionem principii olet, sed propter prædi-
 ctas qualitates proficit. Et unde magis rigorose falsi Pathologi
 Tartarum in Podagra defendere laborant, quam ex exsudante &
 exarescente calcarea, tophacea, circa articulationes contingente
 substantia, in consumaciori podagra. En Tartarum sine sapore!
 en sal sine acido! en calcem subtiliter terrestrem & inspidam, quæ
 provenit ex, porulis impressa, substantia lymphatica gelatinosa,
 tenerrime poris inhaerente, & sub accessu aeris exarescente,
 quæ è subterjacentibus tendinibus, nunc rigide constrictis, ex-
 pressa est, & quæ ab omni sapore acido & Tartareo vacua existit:
 tanto magis vero, si in subjctis quantisper humidis externa refri-
 gerantia & coagulantia in utum tracta fuerunt, qualia porulis impa-
 cta deinde in talem calcaream consistentiam transferunt; longe
 sane aliam faciem Podagra haberet, si ita pedes sale macerati es-
 sent, ut sal hoc in conspicuis moleculis exprimi posset, unde ni-
 mis crassus mihi hic videtur conceptus, & a sana ratione quam
 maxime alienus, qui tophaceam hanc substantiam, pro sale effin-
 git & obtrudit. Possem si tempus, & spatium concesserit, hujus
 negotii plures rationes & demonstrationes suppeditare, si ve
 pluribus adhuc ostendere, quod Podagra à nullo sale sive acido
 sive

five alio dependeat, sed quomodo longe verior & rationabilior
 respectus haberi debeat, hæmorrhoidalis negotii in Pathologia
 Podagræ, quod jam perspicue & solide deduxit *Excellentissimus*
D.D. Stablius in dissertationibus de Podagra, de Calculo, de hæmor-
rroidibus internis & externis & in Pathologia sua; quo brevissi-
 mis adhuc annexere placet, *Forelli observationem 1. Lib. 29.* ubi,
 dum de causis Podagræ differit, notanter dicit: *his etiam si acce-*
dis consuesarum excretionum NB. forte hæmorrhoidum vel aliarum
suppressio, major fluxio in articulos irrepfit; conferatur obs. 4. cita-
ti libri. Sed acquiescam, cum pauca adhuc verba mihi ad te, *No-*
bilissime & Præstantissime Domine dicenda sint. Vo-
 lui & debui, ut nosti, ex toto animo tuis cæptis & egregiis co-
 naminibus applaudere. Valedicis tandem *Vir Juvenis Politissime*
 Studiis academicis, cum multa laude: acquisivisti benedicente divina
 clementia scientiam & peritiam Medicam, solidam, accuratam & distin-
 ctam, sat maturus es ad altiora conamina, & quo Patrie tue incla-
 rescas talis, qualis inter nos fuisti, dignis nimirum & laudabilibus mori-
 bus ornatus, judicio optimo instructus, scientia solida præditus, animo con-
 tinenti, modello, & quem commilitones Tui æstimarunt, suavi politus, & vir-
 tutibus sane elegantibus atque dignis præstantior redditus; hisce accedit quanta
 diligentia, atque laudabili fervore, studia tua perpetuo prosecutus sis, & talem
 nunc eruditionem adeptus, qualis te & in Patria & inter externos, certo commen-
 dabit. Obtulisti modo talia diligentia & scientiæ specimina, quæ decus & hono-
 rem Tuum nunquam debebunt. Gaudeo adhuc, quod cum applausu publico sub
 meo Præsidio, dissertationem ventilaveris, variisque calcar addideris, quo ad simi-
 lem solidam & egregiam eruditionem pertingere queant. Gaudeo de Te, ut au-
 ditore quondam quodam, ex optimis & suavisimis, s. lecto; Et qui modo exteras
 regiones & Batavorum Lycea adiisti, eoque ipso pulchram tuam voluptatem majores
 scientiarum apparatus colligendi, obignasti, macte nunc esto hac virtute, per-
 ge viriliter insistere hisce honorificis tramitibus, & indefinenter divinam benedi-
 ctionem exorare, sic nulla Tibi unquam deerit & tranquillitas animi, aliæque ex-
 optata prosperitas. Lauream nunc Doctoralem oblines, jam dudum promerita-
 tam, nunc vero tanto majori cum honore, quo magis eruditio Tua confirmata
 est. Deus benedicat tuis dignitatibus, & futuris conaminibus largissime, annuat
 cum gratia tuis cæptis, promoveat salutaria Tua consilia, angeat Tibi vires ani-
 mi & corporis, & omnia quæ sunt prospera, utilia & necessaria, ex abundanti in Te
 effundat. Stet Tibi ad dextram, Angelus Domini, sub reditu instante in Patriam,
 efficiat ut salvus & incolumis Tuis in exoptata prosperitate constitutis, Tu tan-
 dem iterum restituaris. De me omnia paratissima humanitatis officia semper pro-
 mitto; de Te vero ulteriorem Favorem & amicitiam desidero. Vale. Dab. Hal.
 Magdeb. d. III. Calend. Mart. A. MDCCXIII.

Typis CHRISTIANI HENCKELII.